



La Georgie  
 Indépendante  
 Revue mensuelle  
 FÉVRIER  
 1929—№ 38

თებერვალი  
 1929 წ.  
 № 38

# დემოკრატიული საქართველო

ს ა ქ ა რ თ ვ ე ლ ო ს   ბ ო ლ ო ტ ი კ უ რ ი   პ ა რ ტ ი ე მ ი ს   ო რ გ ა ნ ო ჲ .

## შ ი ნ ა ა რ ს ი :

მეთაური—ტროცკის პროგნოზი.  
 გ—უ—ზოგი რამ.  
 \* \* —ახალი ეტაპი უკრაინის შავი-ქვის მრეწველ-ში  
 კაზახეთი—გოგი... ივლიანე...  
 მუსტაფა ჩაკაევი—თურქესტანში. წერ. მეხუთე.

უცხოეთის მიმოხილვა.  
 საბჭოთა საქართველოში.  
 რას სწერენ ბოლშევიკებზე.  
 უკრაინელთა შორის.  
 ქართული სკოლა ხარბინში. და სხვ.

## ბ რ ო ც კ ი ს   პ რ ო ბ ნ ო ჯ ი

ტროცკი ისევ გმირი გახდა, თავის და უნებურათ, და მისი სახელის მატარებელი ოპოზიციის განახლებულ დევნას იტანს. რა დაწავა მან ან მისმა მიმდევრებმა, არავინ უწყის დანამდვილებით. ხოლო მოსკოვის «პრავდა» ერთად ერთ ნივთიერ საბუთად ტროცკის სადირექტივო წერილს არდგენს, 21 ოქტომბრის თარიღით, აღმა-ატიდან სახლვარ გარეთ.

საინტერესოა, რომ ტროცკი ამ წერილში ერთობ ზომიერებას იჩენს და თავის ტაქტიკაში გაფიცვისა და საიდუმლო არჩევნების იქით არ მიდის. ის თვითონვე უწოდებს ამ მოთხოვნას «ნაწილობრივ ლოზუნგს», რითაც მუშების ამოძრავებას ლაშობს. მასები პასიური არიან—ამბობს ის—, მაგრამ, შესაძლოა, მოახლოებული ქარიშხლის გამო, მათ «ნახტომში» გააკეთონ წინ, და ამიტომ ჩვენ, «ბოლშევიკ-ლენინისტები», მზათ უნდა ვიყოთ სათავეში მოვეყვით მოძრაობას, თუ არ გვინდა მენშევიკ-ესერ-ანარქისტებმა ჩაიგდონ იგი ხელში.

ნუთუ მართლ ამეებისთვის გამოაცხადეს ტროცკიში კონტრ-რევოლუციად. ამისათვის ექადიან მათ ფიზიკური მოსპობით? არა, რასაკვირველია. ტროცკიში, როგორც ასეთი, კარგი ხანია დამარცხდა და არც რაიმე იმედია მისი გამობრუნების... გარდა ერთი შემთხვევისა, შეიძლება, როცა ძალზე დაცხრილური «ძველი გვარდია» ბოლშევიკებისა და მის მიერ ბოლომდის დაბრყვებული ნაწილი მუშებისა უკანასკნელ ძალას მოიკრეფენ ძღვეამოსილ ნამდვილ კონტრ-რევოლუციასთან შესაბრძოლებლათ.

«ვანათლებულ» ტროცკის სძლია «გაუნათლებულმა» სტალინმა, და ეს იმიტომ, რომ პირველი უკან უპირებდა ისტორიის ჩარხს მოტრიალებას—სამხედრო კომუნისმისკი, მაშინ როდესაც მეორე მაინც ნებს ებლაუქება, თუმცა ამას «ერთი ქვეყნის» სოციალიზმად ასალებს.

დამარცხებული ტროცკი, მაშასადამე, იმით უნდა იყოს საშიში, რომ ის, როგორ ფიქრობთ?—თავისას კი არა, სხვის გამარჯვებას წინასწარმეტყველებს. ამ მხრივ მისი ანალიზი მკვეთრია, ის მართლა განათლებულია, იცის ზედმიწევნით, რა ხდება საბჭოთა სამოთხეში, ან რა მომხდარა სხვაგან რევოლუციის ხანაში. ზემოხსენებული მისი წერილის მეტი ნაწილი სწორეთ ამ ანალიზს შეიცავს.

ტროცკი იწყებს იმით, რომ მოსწრებულათ ახასიათებს სტალინის გუგულივით ხტუნვას ერთი ბუდიდან მეორეში, დღეს მარცხენა ფრთას მოპარავს აზრს, ხვალ მარჯვენა ფრთას, და კანონ გარეშე აცხადებს, რიგრიგობით, სწორეთ იმათ, ვისაც აზრი მოპარაო. სტალინის ძალა აპარატშია, ხოლო მისი მომკვდინებელი სისუსტე იმაშია, რომ უალოთ ანგარიშობს, ადა კი კლასებიაო.

სანამ ეს კლასები სდუმან, სტალინს შეუძლია ინავარდოს, მაგრამ ჩნდება მემარჯვენე ოპოზიციის, რომელიც საცაა მორთავს ყვირილს: «ახალნო მესაკუთრენო, შეერთდით, თორემ სოციალისტები გაგცარცვენო». ტროცკი ახასიათებს ამ ოპოზიციის ბელადებს: რიკოვს, ტომსკის, ბუხარინს, კალინინს, ვაროშოლოვს, როგორც მხდალთ და გულჩანვეულ დამცველთ ამ «ახალ მესაკუთრეთა». ისინი თუმცა უმცირესობას შეადგენენ აპარატში, მის გარეთ მასებზედ ეყრდნობიან და აქეთ ნამდვილი კლასობრივი ფუქეა.

«ჩვენ არა ერთხელ გვითქვამს—განავრძობს ტროცკი—, რომ გამარჯვებული კონტრ-რევოლუციის მიიღებს ფაშიზმის ან ბონაპარტიზმის და არას გზით ბურჟუაზიული დემოკრატიის ფორმას, როგორც ზოგიერთი უკუათხელი მენშევიკი ოცნებობსო». ასევე ითქმის «კერენშინაზე», რომლის ისტორიული როლი, ისე როგორც «სტალინშინასი» იმაშია, რომ

პირველის ზურგზედ ხელისუფლება ბურჟუაზიიდან პროლეტარიატზე გადავიდა, ხოლო მეორის ზურგზედ იგი პროლეტარიატიდან ისევ ბურჟუაზიაზე გადავა.

რევოლუციისგან ძირიან-ფესვიანათ შერყევულ ქვეყანაში დემოკრატია შეუძლებელია—იმეორებს ტროცკი—და მომავალ გადატრიალებების დროს ჯარი უპირველეს როლს ითამაშებს. ტროცკის მოჰყავს რიკოვის ერთი ფრაზა სტალინის მიმართ: «თუ ერთხელ კიდევ მიგიმართავს განსაკუთრებული ზომებისთვის (გლენების წინამდევ), ჯარს შეუძლია აჯანყებით გიპასუხოს». მეორეს მხრით, სამხედრო კომისარს ვოროშილოვს წამოუყრანტალეობა ერთ კრებაზედ: «თქვენ, მუშებო, ნამეტანს ნუ გაიდებთ თავს, თორემ, გახსოვდეთ, ჩემს ზურგს უკან დიდი ძალა სდგას».

მამ ბონპარტისთვის საქმე არ შეჩერდება—ასკენის ტროცკი; რა უყოთ, რომ ვოროშილოვი თუ ბუდიონი კაცუნებია, გარდა ნაპოლეონ პირველისა, ნაპოლეონ მესამეც ხომ იყოფო—განმარტავს ის—და მოჰყავს სტალინის ერთი ფრაზა: «ტალახიდან თავადს შექმნიან», თუ დასჭირდათ, გაბატონებული კლასებო.

აი, მოკლეთ და სქემატიურათ ტროცკის მსჯელობა და პროფნაზი. მასში ბევრია მართალი, უკუასთან ახლ. აბა ვინ არ დაიჯერებს, რომ სტალინი ემყარება აპარატზედ და არა კლასებზედ; ან კიდევ, რომ რუსეთი დიდი კრიზისის წინა სდგას და ბოლშევიზმის მემკვიდრედ დემოკრატიზმი წარმოუდგენელია. მხოლოდ ჩვენ არ ვგვონია, რომ ისე ადვილათ მოხდეს ბოლშევიზმის ბონპარტიზმზე გადასვლა. წითელი ჯარის შემქნელი ტროცკი ცოტა მხედრულათ მსჯელობს ამ შემთხვევაში; თან გატაცებულია ევროპის მაგალითებით. რუსეთი საფრანგეთი არ არის, თუგინდ ერთ-ნახევარ საუკუნის შემდეგ, არც წითელი ჯარი ნაპოლეონის ძლევამოსილი ჯარი. სანამ ვოროშილოვი, ბუდიონი ან მზგავსი ვინმე «თეთრ ცხენზედ» მოაჯდებოდეს, ბევრი სხვა ამბები დატრიალდება: გლენთა აჯანყებები, სოფლის ქალაქიდან მოწყვეტა, გაფიცვები, ბარიკადები, დეზორგანიზაცია მიმოსვლის, სურსათის მიწოდების და სხ. რას იქს ამ დროს ჯარი, აღმინისტირაცია, არ არის ძნელი გამოსაცნობი: რღვევის სტიქია მათშიც შეიჭრება და საბჭოთა კავშირის ხელოვნური მთლიანობაც დაიშლება. «ბოლშევიკური გვარდიაც», როგორც წევითა ვსთქვით, იარაღს არ დაყრის უბრძოლველათ...

მაგრამ ამეებზე არა გვაქვს ამ ყამად ბაასი, ჩვენ გვანტერესებდა, რად სდევნიან ტროცკის და ძმებს, რა დაუშავებათ. უმეველათ ისა, რომ ისინი უფრო ურა-ბოლშევიკები გამოდგენ (ტყუილა ირქმევენ ოპორტიუნისტ ლენინის სახელს) და ვერ ითმენენ, როგორ იძირება მათი თვალის წინ «პროლეტარიატის დიქტატურა», რომელსაც პოლიტიბიურა დალატობს.

ამ რიგათ, ტროცკის ნამდვილი როლი დღეს სტალინის პოლიტიბიურს ბნელ საქმეთა განუწყვეტელ საჯარო მხილებაშია, და ამაში ის მართლაც ძლიე-

რია. ის იცნობს სახელმწიფო თუ პარტიულ მექანიზმის უწყვილმანეს უახარაკსაც კი, გუშინ თვით იყო შიდ ერთი ბუმბერაზთაგანი, აქვს სახელი, მას ვერ გამოაპარებენ ვერაფერს. სულ ნიშანში ურტყამს და რა გასაკვირია, რომ ზურგ-ამწვანრი სტალინი და მისი აძყოლნი გავრცეებული სიბრაზით ილაშქრებენ მის და მთელი მემარცხენე ოპოზიციის წინამდეგ.

მდგომარეობა კრიტიკულია, ვის ასხოვს ან სოციალიზმი, ან კომუნისმი, შენობა ირგვლივ გაბზარულია, საცაა უნდა წაიქცეს, და ამ დროს გამომდგარა ტროცკი და ვაკვივის: მათი ბრალია, მათი, სტალინის და მისი დამქაშების! განა ვინ მოითმენს ამას! ვერ მოითმენენ მით უფრო, რომ სტალინი ეს-ლა მარჯვნივ აპირებს გადახრას, ე. ი. რიკოვის და სხვების «გაქურდვას» და, სოციალიზმის სახელით, «მესაკუთრეთა» გულის მოგებას. შინ და გარეთ!

ვუტყვრით ამ ტრადი-კომიკურ სურათს და თან ვამბობთ: ახია მასზე, ტროცკიზე. როცა ის ყოვლად შემძლე კომისარი ბრძანდებოდა, იმასვე სჩადიოდა, რასაც დღეს სტალინს უკიჟინებს. დაუზოგველის სიმკაცრით ებრძოდა ყოველივეს, რაც კი წმინდათა-წმინდანს შეადგენს ადამიანისა და ხალხისათვის. ტერორი ერთად ერთ იარაღად გამოჰქონდა სხვანაირ მოახრეთა წინამდეგ, მარტო კრონშტადის აჯანყების სისხლში ჩახრჩობდა რათა ღირს მისი «მოღვაწეობიდან». მერმე, როცა შეეცილა სხვებს ხელისუფლებისთვის, მან ვერ გამოიჩინა ვერც გამურიახობა, ვერც გამბედაობა და ისე საბრალოთ დაეცა, რომ მტერიც კი სახტათ დარჩა.

საქართველოზე ვერავ თაგდასმის და მისი თავისუფლების მოსპობის მეცხრე წლის თავზე მეტი არ იქნება მოვიგონოთ, რომ ამ უბედურების მთავარი გამირი იგივე ტროცკი იყო. თვითონ შვილმა ჩაგრულ და დევნილ ერისა, მან არ დაიხია, რუსის ლაშქარი წავსია საუკუნე მონობისგან განთავისუფლებულ ერზე. მხოლოდ ლაჩარი და სინიდის წარეცხილი დასწერდა იმას, რასაც ტროცკი სწერდა შემდეგ: იმპერიალისტების ბუღე საქართველო «ჩექმის ქუსლით» მოვსრისეთო.

მაგრამ არა ნაკლებ საგულისხმიერა ისიც, რომ დატუსალებულ ტროცკისტთა შორის დასახელებულია ბუღე მდივანი და სერიოჟა ქავთარაძე. ეს ხომ ის ვაქბატუნებია, ვინც გასცა მშობელი დედა და თვითონ თავმჯდომარეობდენ მის ლენჩაქის ახდას. შემდეგ ისინი ვაბრძანეს, ვითა მაგრი, ვითომ ეროვნულ გადახრისთვის და ესლა კი ტროცკისტთან ერთათ ფიქრობენ «თავიდან დაწყებას».

ქართველ ერს არ გაუხარდება, რომ ეს არამზადები სხვისი ხელით ისჯებიან; მას ერჩია თვითონ გაესამართლებია და ვაკერა ისინი სამარცხვინო ბომხედ. ეს მათ არ აცდებათ. სხვა არა იყოს, მარტო იმისთვის, რომ სამშობლოს ღალატისთვის მათ მხოლოდ ჯილდო და ვერცხლი ერგოთ მოსკოვისგან, და, ნუ იფიქრებენ, რომ დღევანდელი მათი გამოსვლა უკანასკნელის წინამდევ შემამსუბუქებელ გარემოებად ჩაეთვლებათ მათ განთავისუფლებულ საქართველოს სამსჯავროს წინაშე.



ზ რ მ ი რ ა მ

სტალინმა ერთი მტერი კიდევ აღმოაჩინა. ეს მტერია ფინანსთა უწყების წარმომადგენელი ფრუმკინი. ეს უწყება დიდი ხანია «არასაიმედოთ» არის მიჩნეული. დაიწყო ეს ჯერ კიდევ მაშინ, როცა მის სითავეში იდგა ცნობილი სოკოლნიკოვი.

და ეს არც გასაკვირია. ფინანსები ხომ ნერვია ფულისა და საქონლის მეურნეობის და რომ ამ მეურნეობამ «გაასწროს განვითარებული კაპიტალისტური ქვეყნების მოწინავე ტენიკას», როგორც ამას კრემლის დიქტატორები ლამობენ, საჭიროა, პირველ ყოვლისა, ფული და კიდევ ფული. ფული კი უცხოეთშია და ბახარსაც ეძებს. მარა მის საბჭოთა კავშირში არ მიდის და არც წავა. ამის მიზეზიანის ეკონომიური და პოლიტიკური პირობები. რომლებიც ასე თავაშვებულათ ბატონობს იქ და შეუძლებლათ ხდის, ცოტათ თუ ბევრათ. საგრძობი თანხის დაბანდებას. რჩება მაშასადამე შინაური წყაროები. ეს წყაროებია: მუშათა ენერჯის ზედ-მეტი ექსპლუატაცია, ქალაქის ფულის ზედ-მეტი გამოშვება და რაც შეიძლება მეტი გადასახადის აღება სოფლიდგან. მარა კომუნისტების სავეალალოთ, არც ერთ ამ საშვალდებს არ ძალუძს დააკმაყოფილოს დასახული მიზანი. ყველა ეს ერთდაც და ცალ-ცალკე პრაქტიკაში არა ერთხელ იყო ნაცადი, მარა არც ერთხელ მაზე დამყარებული იმედი არ გაუმართლებია. პირიქით, მის ცხოვრებაში გატარებას არა ერთხელ შეუქნია ესა თუ ის სამიზროება კომუნისტური დიქტატურისათვის.

შრომის ექსპლუატაციის კიდევ უფრო გაძლიერება, რომ მისი საშვალდები შემცირებულ იქნას წარმოებაზე დანახარჯი, ხოლო გადიდებული ნორმა ზედმეტი ღირებულებისა, რომელიც რჩება მესაკუთრე-სახელმწიფოს ხელში—ეს ნიშნავს, პირველ ყოვლისა, მუშათა წრეებში უკმაყოფილების გაძლიერებას, რის შედეგი იქნებოდა დაკარგვა იმ უკანასკნელი საზოგადოებრივი ნიადაგის, რომელსაც ჯერ კიდევ ტრადიციის ზე-გავლენით ასე დაჟინებით ებლაუტება კომუნისტური დიქტატურა. კიდევ უფრო საშიშია ზედ-მეტი ფულის ნიშნების გამოშვება, რადგან, ეს ერთი რომ კიდევ უფრო გააძლიერებდა არსებულ ინფლიაციას და მეორეც—რამდენათ უფრო ძლიერი იქნება მისი წუთიერი ეფექტი, იმდენათ უფრო მძიმე და დამლუპველი იქნება მის მიერ გამოწვეული ეკონომიური კატასტროფა. რჩება ისევ გლეხის ჯიბე, მაგრამ ეს ნიშნავს იმას—ამბობს ფრუმკინი—რომ ჩვენ ვაძიულოთ გლეხის მეურნეობა, შეამციროს თავისი წარმოება, დაკმაყოფილდეს თავის საყოფნით, არ იზრუნოს ზედ-მეტზე, გავხადოთ ქალაქები და სამრეწველო ცენტრები შიმშილის მსხვერპლათ, შევიტანოთ საბჭოთა ბიუჯეტში ქრონიკული დეფიციტი და რაც თავი და თავია, შევქნათ ისეთი მძვობარეობა, როცა სოფელი, სულ მცირეს გამოკლებით, მუდამ მტრულ განწყობილებასში იქნება ჩვენსა და საბჭოთა ძალა-უფლების წინააღმდეგო...

ყოველივე ეს ისე აშკარაა, რომ მას ამჩნევს და გრძობს წვრილ-ფეხა კომუნისტიც კი. გრძობს თვით სტალინი და მისი ამაღაც, მარა თუ ის მაინც

ასე ილაშქრებს ფრუმკინის და მისი მომხრეების წინააღმდეგ—ეს იმიტომ, რომ გაცვეთილი ფრაზეოლოგიით უნდა დაფაროს დუხჭირი შედეგი თავის უხეში პოლიტიკისა და თავის უეცო მიმდევრებს კიდევ უფრო დაუბნოს გზა-კვალი სინამდვილის შეგნებისა და მისი სისწორით წარმოდგენისა.

მარჯვნივ გადახარა—ეს არ გავს ტროცკის მემარცხენე რომანტიზმს. ეს უფრო საშიში, უფრო საბედისწეროა კომუნისტებისათვის. მასში ჩასახულია მკრთალი შეგნება იმისა, რომ ყველა გზები ნაცადია, რომ ამ გზებმა სრულიადაც ვერ წასწია წინ ქვეყნის ეკონომიური ცხოვრება, რომ მან ვერ შესძლო დაეკმაყოფილებია ხალხის ელემენტარული მოთხოვნილებაც კი. ამიტომაც არის, რომ ესენი ასე დაჟინებით ითხოვენ ინდუსტრიალიზაციის ტემპის შენელებას, უარის ყოფას სოფლის წინააღმდეგ მიმართულ მკაცრ ზომებისა და შეწყვეტას კოლხონების და სოფხონების ზედმეტად გახშირება-გაფართოვების. ყოველივე ეს კი თავის თავათ ნიშნავს, პირველ ყოვლისა, სერიოზულ ნაბიჯს გადადგმულს ბურჟუაზიულ-კაპიტალისტურ მოთხოვნილებათა დასაკმაყოფილებლათ და გასასვითარებლათ.

მაგრამ, ჩვენ ვიცით, რომ სამეურნეო პრობლემები მჭიდროთ შეკავშირებულია პოლიტიკურ პრობლემებთან. «მემარჯვენე გადახრის» მიერ აღებული სამეურნეო კურსი მოითხოვს შესაფერ უფლებრივ ჩარჩოებს. და აი, რამდენათ ძლიერი იქნება მათ მიერ მოთხოვილი ეკონომიური შემოტრიალება, იმდენათ მისი აუცილებელი შედეგი იქნება შესაფერი პოლიტიკური შემოტრიალებაც.

«მარჯვნივ გადახარა»—ეს ამ ქამად უსახო მიმდინარეობაა კომუნისტურ რიგებში, მარა, რამდენათ მისი, თუ გინდ ასეთი მკრთალი პლატფორმა გამოხატავს საბჭოთა კავშირის ეკონომიური ცხოვრების დღევანდელ განვითარებას, იმდენათ ის გამოხატავს საზოგადოების დიდი უმეტესობის ინტერესებს და მისწრაფებებს, და რამდენათ ასეთი შეგნება საერთო ხდება, იმდენათ ახლოვდება დრო და ქამი კომუნისტური რეჟიმის დასამარებისა.

ამას გრძობს თვით კრემლიც და კიდევ ამიტომ, რომ მის ასე დაუზოგველათ შეესია სოფელს და იქ შეკრებილი გადასახადებით ლამობს უკვე დაწყებული საბედისწერო ეკონომიური პროცესის შეჩერებას. არც ერთ დროს რუსეთის მოქალაქეს არ ატყავებდენ და არ აღრჩობდენ ათას გვარი გადასახადებით ისე, როგორც დღეს ამას კომუნისტური მთავრობა სჩადის. ს. ზაგარსკის სიტყვით სახელმწიფო და ადგილობრივი ბიუჯეტი ომამდე უდრიდა მთელი სახალხო შემოსავლის 17.5 პროცენტს, დღეს კი ეს ბიუჯეტი უდრის—22,3 პროცენტს; მაგრამ, რადგან სახალხო შემოსავალი სულზე საგრძობლათ შემცირდა, ასეთი დიდი ნაწილის აღება სახალხო მეურნეობის შემოსავლიდგან, რა თქმა უნდა, მეტად მძიმე და აუტანელი ხდება. და მართლაც, ომამდის, სა-

ერთო სახალხო შემოსავალი სულზე მოდიოდა დაახლოებით 108 მან., გადასახადს მიქონდა ათი-თერთმეტი პროც., რჩებოდა მოქალაქის ჯიბაში წმინდა 96,7 მან. ახლა—სულზე მოდის 161 ჩერვონეცის მან. გადასახადს კი მიაქვს—22,96 ჩერვ. მან. წმინდა შემოსავალი არა უმეტეს—70 ომის წინა მანეთისა. ამ რიგათ, საბჭოთა დღევანდელი სახელმწიფო ფანანსიური მეურნეობა ნთქავს უფრო დიდ ნაწილს ხალხის მეურნეობისას, ვინემ ეს იყო ომამდე!

ყველა უმთავრესი დარგი სახალხო მეურნეობისამრეწველობა, ტრანსპორტი, ვაჭრობა, კრედიტი, მიწა—ყოველივე ეს სახელმწიფოს ხელშია. მოსალოდნელი იყო, რომ ასეთი დიდი მეურნეობა შესძლებდა თავის ხარჯების დაფარვას მინც საკუთარი შემოსავლიდგან. მაგრამ სწორეთ ეს არ ხდება და იმ აუარებელ დეფიციტს, რომელიც შედეგათ მოჰყვა კომუნისტების ამ უთავბოლო სამეურნეო სისტემას, ფარავს კერძო მეურნეობის შემოსავალი. და აი სწორეთ აქ ეჯახება ერთმანეთს ორი პოლიტიკა—კოლმონიური და ფინანსიური. პირველი ყურდობა ნაციონალიზაციას, მეორე—კერძო მეურნეობის შემოსავალს. პირველი არამც თუ აძლევს რამეს სახელმწიფოს. პირიქით, იქით ითხოვს დახმარებას და ეს დახმარება უნდა დაფაროს საფინანსო უწყებამ. მარა საიდგან? ისევე იმავე კერძო მეურნეობის შემოსავლიდგან, ე. ი. გლეხთა ჯაბიდგან.

პროფესორ შმელევის გამოანგარიშებით სახელმწიფოს მთელი გასავლის 70, 2 პროცენტი დაუფარავს კერძო მეურნეობას, სახელმწიფო მეურნეობას კი მხოლოდ—27, 8 პროცენტი. მიუღია კი საერთო ბიუჯეტიდგან—73,3 პროც. ე. ი. მთელი შემოსავლის ორ მესამედზე მეტი.

როგორც ვხედავთ, საბჭოთა მაღალი და მიძიმე გადასახადი ერთავად საზოგადოების ღარიბ ნაწილს აწევს და მას უკანასკნელ ლუკმას აცლის სახელმწიფო მეურნეობის და გაბატონებული აპარატის სასარგებლოთ!

ღარიბს ართმევს. მდიდარს აძლევს—აი სიბრძნე კომუნისტების ეკონომირი პოლიტიკისა!

მშვიერს ართმევს, მაძლარს აქმევს—აი აზრი კომუნისტების ბოროტი მოღვაწეობისა!

გ—უ.

### ახალი ეტაპი ჰიათურის შავი-ქვის მრეწველობაში.

(ჰარტიმანი და მღვებამეები)

(დასასრული)

ჰიათურის შავი-ქვის საქმეში ჰარტიმანის და მოღვებამე-კარბეს ჩარევა იმ სახით, როგორც ეს დღეს მოხდა, არ არის გამოწვეული არც ხსენებული მრეწველობის ძირითადი ინტერესებით, არც სახელმწიფოებრივ მოთხოვნილებით და არც წარმოადგენს მრეწველობაში მანამდე შემოღებულ ორგანიზაციის შემდეგ, გაუმჯობესებულ საფეხურს. სულ წინამდებე: იგი არის გარედან უაზროთ შექრა მრეწველობისთვის უცხო ძალებისა, კარგად ჩამოყალიბებულ და მოფიქრებულ საქმეში, არის იმ ძაფის გაწყვეტა, რომელსაც მისდებდა, წინად, ქაოტისებურ ყოფაში მყოფი მრეწველობა, შემდეგ დიდ მოწყობილ საქმედ გადაქცეული.

თუ საზ. «ჩემოს» და მის საზღვარ გარეთელ ორგანოს მეოხებით შავი-ქვის მრეწველობა საბოლოოდ მოსწყდა კარჩაკეტილობას, მრეწველობას მიეცა ერთნაირი ქართული დიდი ორგანიზმის ელფერი, დააკავშირა, როგორც თანასწორი, წვრილი მრეწველი დიდ ფირმებთან და ამ უკანასკნელთა იარაღით შეაიარაღა, მრეწველობაში საერთო და სახელმწიფოებრივი ინტერესიც იზრდებოდა, ესლა მოსკოვ-ტფილისის კომუნისტურ ძალა-უფლების ჩარევით, ეს ერთიანი ძაფი გასწყდა. მრეწველობასაც ქართული ნაციონალური საქმიანობის ელფერი დაეკარგა, წვრილი მრეწველები, რომელიც «ჩემომე» და «სააქციონერო საზოგადოებამ» გამოიყვანა ფართო ასპარეზზე, კვლავ მოსწყდენ საერთო მუშაობას—ყველაფერი ეს ჩაიშალა, დაიშხვრა. დაიშხვრა სწორედ იმ დროს, როდესაც უდიდესი ნაყოფის მოტანა უნდა დაეწყო!

ამას წინად საზღვარ-გარეთელ განებებში მოთავსებული იყო ჩივილი ჰარტიმანის რწმუნებულისა,

ვითომ მისმა ფირმამ 5 მილიონი დოლარი იზარალა ჰიათურის კონცესიაში. აბა რა ჩვენი საქმეა ბბ. ჰარტიმანების მოგება-წაგების ანგარიში. მან იცის და მისმა გამპირიანობამ, რასაც შეეფეთებოდა იგი კონცესიის აღებით, ე. ი. მან აჯობა ბოლშევიკებს, თუ ამ უკანასკნელთ გააცურეს იგი...

ჩვენთვის მთელ ამ საქმეში მხოლოდ ერთია საინტერესო და სწორედ ის, რომ ჰარტიმანის ჰიათურაში გაჩენით არასფერი არ შემატებია არც ჩვენს მრეწველობას და საერთოდ არც ქართველი ერის ეკონომიკას. პირიქით, იგი ერთი იმ ფაქტორთაგანია, რომელმაც კარგად დაყენებული ქართული საქმედღევანდელ საქართველოს ბატონებს ჩააშლენინა და უკან დააყენებინა. მისი სახელით გამოცხადებულ სამოქმედო გეგმაში და პროექტში არ იყო არც ერთი დაწყება, ან რამე აზრი, რომელიც წინად არ ყოფილიყო მოფიქრებული და დამხადებული შავი-ქვის მრეწველობაში არსებულ ორგანიზაციების მიერ, დაწყებული გიორგი ზდანოვიჩის დროიდან.

მართლაც რომ განხორციელებია ჰარტიმანს ყველა ეს ძველთაგანვე ნააზრი გეგმები და ამისთვის ფულიც მოეტანა, არც აქ იქნებოდა რამე დამსახურება ჩვენი ქვეყნის წინაშე, რადგან ის ქართული ორგანიზაციები, რომელიც ჩამოყალიბდა შავი-ქვის მრეწველობაში, ფულსაც თვითონ იშოვნიდენ და თვით გეგმის ასრულებას და მშენებლობას უფრო იაფად დაუსვამდენ საქართველოს. საზოგადოთ, ფულის საქმეში მომტანნი ჰარტიმანები კი არ არიან, არამედ თვით საქმეა, ამ შემთხვევაში ჩვენებური მარგანეცია ანდამატივით ფულის მომზიდველი. ჩვენი შავი-ქვა ისეთი ძვირფასი განძეულია, რომ ფული მას ეძებს; ამიტომაც იყო, რომ როდესაც ჩვენს მრე-



წველობაში ჩაბმულმა ძალებმა ფულის საზოგადოებრივად წინასწარი მოლაპარაკება დაიწყეს, მათ არ აკლდათ ყოველ მხრიდან კაპიტალისტების გამოძახილობა.

თუ ჭიათურის მადნის ექსპორტს განმარტოებით გავეცნობით, დავინახავთ რომ იგი იშვიათის გარანტიებით არის აღჭურვილი. იმის გასაგებათ იძლევა წარალს თუ მოგებას, რომელიმე ერთი განცალკევებული საქსპორტო ოპერაცია, ექსპორტერს, თითქმის, არა სჭირდება წლის ბოლოს უცადოს, რათა თვისი საბოლოო მოგება-წაგების ანგარიშს გაეცნოს; ამის გაგება მას თვითფული გემის გაგზავნის დროს შეუძლია. გაყიდვის დროს, ე. ი. მადნის გასაყიდ ფასის მყიდველთან გადაწყვეტის დროს, მან უკვე იცის, რა ერგება მას, რადგან ეს მოგება, მისივე გამოანგარიშებით, ის ზედმეტია, რაც აღმეტება შავი-ქვის თვით ლირებულობას, ყველა ხარჯების, გადასახადების და სხვათა ჩათვლით. ყველა ეს ხარჯები წინადევა გათვალისწინებული და ამიტომ ექსპორტერისთვის მოგების გამოანგარიშება სიძულეს არ წარმოადგენს... საქონლით დატვირთული გემი ზღვაშიც რომ დაიღუპოს, ექსპორტერი აქაც არაფერს კარგავს, რადგან საქონელი წინასწარ აქვს დაზღვეული და დაზღვევის ხარჯებიც გათვალისწინებული იმ დროს, როდესაც მყიდველს ფასში ურიგდებოდა. ერთის სიტყვით მარგანცის ექსპორტი ისეთი პირობებით არის მოწყობილი, რომ წარალის მიღების შესაძლებლობა უკიდურეს მინიმუმდეა დაყვანილი.

ამ გარემოებას თუ გავითვალისწინებთ, სწორედ ძნელად დასაჯერებელია, ვითომ მარგანცის ექსპორტმა ვისმე უთვალავი წარალი მიაყენა... ამიტომ ჩვენც არ გვჯერა, რომ ჰარრიმანმა წარალი ნახა რამე. ჩვენ სულ სხვას ვიტყვით: რომ მას მართლა დაეხარჯა ის დიდი თანხები, რომლებიც კონცესიის პირობით უნდა მოეხდინა—რკინის-გზის შტოს გადასაკეთებლად, ქარხნების სხვაფრივ მოსაწყობად, გასარეცხ საშუალებათა გასაუმჯობესებლად, მადნებთან მისაყვან გზების გასაყვანათ, შორაპანში გადატვირთვის გადასაკეთებლად, და სხვა და სხვა, აქ მას მართლაც მილიონების დახარჯვა მოუხდებოდა, მაგრამ ეტყობა კარგად ჰქონია გათვალისწინებული, რომ ამ აუარებელი ფულის დახარჯვა საბჭოთა სამოთხეში მართლაც და წარალის მეტს მას არას მოუტანდა. მაშ რა იყო მიზეზი ჰარრიმან-ბოლშევიკების აშლისა?

ჩვენის რწმენით სულ უბრალო გარემოება. მანამ ამერიკელი კონცესიონერი მხოლოდ და მხოლოდ წმინდა ექსპორტს ეწეოდა და ამაში მოგებასაც ხედავდა, იგი გულმოდგინეთ სარგებლობდა კონცესიონერის უფლებებს, და როდესაც ამ კონცესიისავე დავალებით მას მილიონების ხარჯვა უნდა დაეწყო, მაშინ იგი გასცილდა კონცესიას...

ძალიან შესაძლებელია, რომ ჰარრიმანის მოგება, მარტო საქსპორტო ოპერაციებითაც არ იყო განსაზღვრული, რომ მან სხვაფრივაც ნახა დიდი ხეირი. ჩვენ როგორღაც ყური მოვკარით, ეს ვაზეთებში იყო აღბეჭდილი, რომ კონცესიის მიღებისათანავე ჰარრიმანმა ეს საქმე სააქციონერო საზოგადოებათ გადააკეთა; ვინ არ იცის, რომ ეს ოპერაცია საუცხოო ხე-

რხია, შენი კაპიტალი ორმაგათ გაადიდო, ისე რომ წმინდა მოგება შენ გერგოს და თუ წაგებაა, თუ სულ არა, უდიდესი ნაწილი, ყოველ შემთხვევაში, აქციონერებზედ გადიტო...

თავიდანვე იყო ცხადი, რომ ჰარრიმანის შავი-ქვის მრეწველობაში ჩაბმა, ხელშეკრულება უთუოდ უთანხმობით უნდა გათავებულყოფ. და მისი ერთი რომელიმე მხარე მოტყუვილებული უნდა დარჩენილიყო.

ყოველ ეჭვს გარეშეა, რომ ამ შემთხვევაში, ჰარრიმანმა მოატყუილა საქართველოს მოსკოვ-ტიფლის ბატონები!

როგორც თავის ალაგას უკვე აღვნიშნეთ, ჩვენი ქართველი მრეწველების დიდი უბედურობა ის იყო, რომ მეტ წილად ისინი არ იყვნენ ექსპორტის მონაწილენი, საქმის სწორედ იმ სტადიის, სადაც მოგება დიდი იყო და სჯერდებოდნენ მათგან ამოღებულ და ჭიათურაში ჩამოტანილ ქვის ადგილობრივად გაყიდვას.

თუ რა იყო ეს მოგება შემდეგ ცხრილიდან დავინახავთ.

აი რა ჯდებოდა ერთ დროს, ომამდე, ერთი ფუთი მადნის მიტანა ჭიათურის საწყობამდე: (კაპეიკებში)

1. მადნის ამოღება და გამოტანა . . . . .	2.25
2. მისი გაწმენდა და ხარისხებად დაყოფა	0.75
3. იჯარის ფასი . . . . .	1.00
4. ჭიათურაში ჩამოტანა . . . . .	0.25
სულ . . . . .	7 კაპ.

საზღვარ-გარეთ გატანა, რომელიმე პორტამდე, ფუთი ჯდებოდა 20 კაპ.; ამაში ყველა გზის ხარჯი შედიოდა.

უმთავრესად ქართველი მრეწველი აქ მოყვანილი მინიმუმით განსაზღვრავდა თავის მოგებას. ეს იყო მიზეზი იმისი, რომ შავი-ქვის მრეწველობა არ სტოვებდა ჩვენი ხალხის ეკონომიკაში იმ კვალს, რომელიც მას უნდა დაემჩნია, მიხედვით მისი დიდი შესაძლებლობისა. სამაგიეროდ კი იმ ხალხის ეკონომიკა ხარობდა, რომელნიც შავ-ქვას ქართველებისაგან ყიდულობდნენ ჭიათურაშივე და თვითონ გაქონდათ უცხო ქვეყნებში გასაყიდათ. ამისთვის მათ ცოტა რამ სჭირდებოდათ: ფუთზედ 27 კაპეიკის დახარჯვა და ექსპორტის საკმაოდ მარტივი წესების ცოდნა. თუ რომელიმე ექსპორტერს საკუთარი ფული არ ქონდა—იგი სახელმწიფო და სხვა ბანკებში სესხულობდა. მოხდებოდა ხშირად, რომ ზოგ «ექსპორტერს» ფული ხელში არ ქონდა, ამ შემთხვევაში საცოდავი ქართველი მრეწველივე აძლევდა მას კრედიტს, ე. ი. ქვას ნისიათ აბარებდა...

ჩვენს მრეწველს საჭირო ორგანიზაციის მეტი არა აკლდა რა, რომ მრეწველობაში, საკუთარი საქსპორტო ოპერაციების დაწყებით, მოგების მაქსიმუმში მიეღო.

სახ. «ჩემოს», მისი საზღვარ-გარეთელ ორგანოს და «ქართველ აქციონერთა საზოგადოების» მოკლე დროის არსებობამ ეს დებულება სავსებით დაამტკიცა. ჩვენი წვრილი ქართველი მრეწველი-მუშაკი,

სულ რამდენიმე თვის განმავლობაში ჩაწვდა საესე-  
ბით ექსპორტის ყოველგვარ ოპერაციებს, მუშტრის  
შოვნიდან დაწყებული, გემების დაქირავების, საქო-  
ნლის დაზღვევის ტენციკას, თვით საზღვარ-გარეთ მი-  
ვლინებას და იქ საქმიანობის უნარის გამოჩენას;—და  
ყველა ამას უკვე ადვილად ახერხებდა ის პატარა  
მრეწველი, რომელიც აქამდე ჭიათურის «დისკას»  
არ გასცილებოდა.

ქართველმა მრეწველმა კრედიტიც მალე იშოვა,  
ექსპორტის ტენციკური ხერხებიც ადვილად შეიძინა,  
მაშინ, როდესაც მას მორუნველი, ქომაგი, დამხმარე  
და წამქეზებელი გამოუჩნდა:—ყველა ამის გაჩენა  
მხოლოდ საქართველოს დამოუკიდებლობის ხანაში  
გახდა შესაძლებელი.

ამ დამოუკიდებლობამ მოუპოვა ქართველ მრე-  
წველობას მისი ამალორძინებელი პირობები,—და ეს  
პირობები კვლავ მოესპო მას იმ დღეს, როდესაც,  
გარეშე მტრის შემოსევით, საქართველოს თავისუფ-  
ლება წაერთვა.

ბოლშევიკური ძალა-უფლების სურვილით მოი-  
სპო სახ. «ჩემო» და მისი საზღვარ-გარეთელი ორგა-  
ნოები, დაიხურა ქართული «სააქციონერო საზოგა-  
დობა», რომელიც აერთებდა წვრილ ქართველ მრე-  
წველებს, მოისპო ძველი, ნაამაგდარი, ბევრი კარგი  
საზოგადო საქმის დამწყები შავი-ქვის «მრეწველთა  
საბჭო»...

სწორედ აქ ჩნდება ჩვენი მრეწველობისათვის სა-  
ბედისწერო როლი კარბე მოდებამის.

ყველა ჩაქრობილ კერათა ნაცვლად, მისი ბატო-  
ნების მიერ, იგი იყო გამოცხადებული შავი-ქვის მრე-  
წველობის ბატონ-პატრონათ და ხელმძღვანელათ!

მაგრამ, როგორც გახეტიებიდან სჩანს, კარბე მო-  
დებამე ვერ მოთავსებულა თავის ქერქში, საქართვე-  
ლოს ფარგლები ამ ვაჟბატონისთვის მეტად ვიწრო  
გამომდგარა. იგი, მოსკოვის ლოცვა-კურთხევით,  
მხარში უდგება მათ, ვისაც მინდობილი აქვს ამიერი-  
დან საბჭოთა კავშირის, ე. ი. სრულიად რუსეთის სა-  
ხელით, აწარმოოს შავი-ქვის ექსპორტი და მით სა-  
ქართველოს მარგანეცის სხეებაც კი ამოაგდოს ძი-  
რთან-ფესვიანათ... მოსკოვის ბრძანებით ამიერიდან  
საქართველოს შავი-ქვის ექსპორტი უერთდება რუ-  
სეთის ნიკოპოლის ექსპორტს; დიდი ქართული საქმე  
ითქვიფება და იშლება, მხოლოდ მისთვის, რომ რო-  
გორმე წასწიონ წინ ფართო ბაზარზედ ნაკლებად  
ცნობილი ნიკოპოლის მრეწველობა!

ჩვენი ქვეყნის დაუძინებელი მტრები კვლავ  
სთხოვენ საქართველოს მძიმე მსხვერპლს: შავი-ქვის  
მრეწველობაში საქართველოს სახელის, საქმიანობის  
და უნარის გამოჩენის სრულს მოსპობას.

შეცდომა იქმნება, თუ ვიფიქრებთ, რომ საქარ-  
თვლოს წინამდევ ეს ახალი იერიში, რაღაც მოულო-  
დნელი, უცაბედი და გუშინდელი ამბავი იყო. ჩვენ  
ხელთ არის ასლი ერთი დოკუმენტის, რომელიც,  
თავის დროზედ, სტამბოლიდან ტფილისში ყოფილა  
გადაგზავნილი. აი რა ამბავსა ვტყობილობთ ამ ქა-  
ლადლიდან. 1921 წელს, დეკემბერში, ლონდონიდან  
პაავაში ჩასულა ვინმე რაბინოვიჩი. ეს ვაჟბატონი  
საბჭოთა რესპუბლიკის მაშინდელ ლონდონელ ელჩ

კრასინს გაეგზავნა ქ. პაავაში, სახ. «ჩემოს» საზღვარ-  
გარეთელ კომიტეტთან მოსალაპარაკებლად.

ამ კომიტეტის სხდომასზედ კრასინის მოციქულ-  
მა, თურმე, ბევრი არც აცხელა და არც აცივა და  
ერთის დაკვირით გამოაცხადა შემდეგი: გამოგზავნი-  
ლი ვარ თქვენთან წინადადებით, რომ მოსპოთ თქვე-  
ნი საკუთარი შავი-ქვის ექსპორტი და მისი უცხოეთ-  
ში გაყიდვა. ჩვენ, რუსეთის საბჭოთა რესპუბლიკას.  
გვაქვს ლონდონში და საზოგადოთ საზღვარ-გარეთ  
მძლავრი ორგანიზაცია, რომელიც უძღვება უცხოეთ-  
ში ექსპორტის და გაყიდვის საქმეს. თქვენ ვერას-  
დროს ვერ მოახერხებთ გაყიდვას იმ პირობებში,  
როგორც ჩვენ, ამიტომ თქვენ უნდა დაგვიტოოთ თქვე-  
ნი შავი-ქვის საექსპორტო ოპერაციები. ამ დათმო-  
ბისათვის თქვენ მიიღებთ საფასურს, რომელზედაც  
შევთანხმდებით. გირჩევთ ისარგებლოთ ჩემი აქ ჩა-  
მოსვლა, ბევრ დროს ნულარ დაკარგავთ და შეეუ-  
დგეთ პირობის შედგენას. ამასთანავე გიცხადებთ,  
რომ თქვენთვის სჯობს, რომ სწორეთ შეთანხმების  
გზას დაადგეთ, რითაც შესაძლებლობა გეძლევათ ის  
თქვენი სურვილებიც გაატაროთ ხელშეკრულებაში,  
რომელიც ჩვენთვის (საბჭოთა რუსეთისათვის) მისა-  
ღები იქნება. თუ ამ ჩემ წინადადებას არ მიიღებთ,  
მით უარესი თქვენთვის; იცოდეთ, რომ რუსეთი ვერ  
დათანხმდება, რომ საქართველოს საბჭოთა რესპუ-  
ბლიკამ სეპარტიულად იმოქმედოს ამ დარგში. თუ  
ეს კითხა აქ არ დასრულდა, ჩვენ შორის. და მოსკო-  
ვში გადავიდა, იცოდეთ, რომ იქ უკვე თქვენთან მო-  
ლაპარაკების კილოთა კი არ დაიწყებენ საგნის სჯას,  
არამედ გადაჭრილი მოწერილობას მიიღებთ:—დას-  
ტოვით ყოველ პირობების გარეშე საექსპორტო  
ოპერაციები და ჩვენ გადმოგვცეთ იგი. ესეც იცო-  
დეთ: თუ შევთანხმდებით აქ, ამ შემთხვევაში, ლონ-  
დონიდან დაუყოვნებლივ გაგზავნილი იქმნება მოსკო-  
ვში წინადადება, რომ თქვენ ქვეყანას გაეგზავნოს გე-  
მები, ვაგონები, მანქანები და ორთქლმავალები, რა-  
თა უკეთ მოეწყოს თქვენი მადნის ექსპორტი და თუ  
შეთანხმებხარე უარს იტყვი, იცოდეთ, რომ რუსე-  
თი წაგართმევთ ყველა იმ ვაგონებს და ორთქლმავა-  
ლებსაც, რომელიც თქვენს რკინის-გზებზედ იმყო-  
ფება ამ ქამად. რადგან ყველა ეს საქართველოსი კი  
არა, რუსეთისა არის...

ამნაირი განცხადების შემდეგ კრებული შეეკით-  
ხა ბ. რაბინოვიჩს: რამ გამოიწვია კრასინის ასეთი  
წინადადება, რად უნდა მოესპოთ ჩვენი საქმიანობა,  
რომელსაც აგერ 40 წელიწადია მივსდევთ და რად  
გგონიათ, რომ ჩვენი საქონლის გაყიდვას თქვენ ჩვენ-  
ზედ უკეთესად მოაწყობთ?

ამაზედ ასეთი პასუხი მიუღიათ:

თუ საქართველოს თავისი საკუთარი შავი-ქვა  
აქვს, ჩვენც გვაქვს ჩვენი რუსული მარგანეცი, ნიკო-  
პოლში. აგერ კარგა ხანია, რაც ლონდონში მივიღეთ  
ერთი გემი ამ ნიკოპოლის მარგანეცის, მაგრამ აქამ-  
დე ვერ გავცივიდნია, ყველგან მყიდველი იმას გვეუ-  
ბნება, რომ ისინი ჭიათურის შავ-ქვას უფრო იაფად  
ყიდულობენ... (აქ ელჩის მოციქულის ცოტა არ იყოს  
ტყუილი შეპარვია:—აბა ნიკოპოლის მარგანეცს ვინ  
იყიდის, თუ იმავე ბაზარზე ჭიათურისაც მოიპოვება!)



ძალის-თავი აქ არის ჩაფლული! საქართველოს შავი-ქვის მრეწველობის წინაშე კვლავ წამოიჭრა თავი ძველმა ბრძოლამ შიდა რუსეთს და რუსეთის განაპირა რაიონებს შორის; ამ რაიონების დამონებამ და დაჩაგრვამ რუსეთის მიერ, არა მხოლოდ პოლიტიკურად, არამედ ეკონომიურადაც. მაშასადამე აღარავის უნდა გაუკვირდეს ის ამბავი, რომ მოსკოვის წინააღმდეგობით მოხდა საქართველოს შავი-ქვის მრეწველობის ინტერესების დამორჩილება—ნიკოპოლის, გაცილებით უფრო მდარე მადანის, სასარგებლოთ.

დაბოლოს ერთი პატარა სტატისტიკური ცნობა, რომელიც ამოღებულია ბოლშევიკურ ოფიციალურ გამოცემიდან (ნარ. ხოზ. ზაკავკ. 1927).

იყო მდარეობიდან ამოღებული შავი ქვა. (ათასი ტონი):

	1913 წ. პროც.	1926 წ. პროც.
საქართველოს შავი ქვა	970.9 = 76.4	769.5 = 48.2
ნიკოპოლის რუს. შ.ქვა	299.1 = 23.6	827.5 = 51.8

ეს ციფრები ყველაზედ უკეთესად მეტყველებენ, თუ როგორ დასცეს ბოლშევიკებმა ჩვენი დიდი ეროვნული მრეწველობა.

საქართველოს მადანი თუ 1909 წლიდან დაწყებული იმდენი მზადდებოდა, რომ მთელ დედა-მიწის ზურგზედ მას არავინ ასწრებდა. 1926 წელს, როდესაც აღარც ომები იყო და არც რევოლუციები, საქართველოში ამოღებულ მადნის რაოდენობა უფრო დაბლა სდგას ისეთ წინად უკან ჩამორჩენილ რაიონზედ, როგორც ნიკოპოლია: 51.8 პროც. ამ უკანასკნელში და მხოლოდ 48.2 პროცენტს. საქართველოში (ს. ს. რ. კ. ფარგლებში).

ეტყობა, საქართველოს მაშინაცვლები არ სჯერდებიან ასეთ ჩვენს დამცირებას. ახლა მათ, ალბად, მოუსურვებიათ ექსპორტის რაოდენობითაც წასწიონ წინ ნიკოპოლის რაიონი და სწორედ ამისთვის დასპირებიათ ჭიათურის შავი ქვის მრეწველობის მიშვილიება. ეს ხომ ყველასათვის არის აშკარა, რომ საქართველოს შავი-ქვის მრეწველობას არასფერო აქვს საერთო ნიკოპოლის მრეწველობასთან. არც წარსულში და არც ეხლა «სრულიად რუსეთის» მმართველებს არაფერი სასიკეთო რამ არ გაუმეტებიათ ჭიათურის მრეწველობისათვის. ცარიზმის დროს სატარიფო პოლიტიკით ებრძოდნენ ჩვენს მრეწველობას. ამ ქამად ამას აღარ სჯერდებიან და როგორც მთელს საქართველოს მოუსვენს მათ დამოუკიდებლობა, ეხლა სპობენ ჩვენ დიდს ეროვნულ მრეწველობის თვითარსებობასაც. მაგრამ ეს ხომ ლოლიკური შედეგია ყველა იმ ზომების, რომელსაც მოსკოვი ასეთის სასტიკობით ღებულაობს საქართველოს საარსებო ინტერესების წინააღმდეგ.

ეს წირილი დასრულებული იყო, როდესაც ტვი-

ლისის გახეთქება ცნობა მოგვიტანეს, რომ კარბე მოდებდაქ ჭიათურის შავი-ქვის წარმოების ტრესტს(?) უდგება სათავეში, მხოლოდ ა. სვანიძე-კი (ესეც, ალბად, დიდი ვინმე სპეციალ) რუსეთ-საქართველოს მარგანეცების გაერთიანებულ ექსპორტის უზენაეს მმართველად ხდება! ამ კომბინაციით იშლება თვით სახელწოდება: საქართველოს შავი-ქვა.

თავისთავად ცხადია, რომ ეს არაფერში სცვლის ჩვენს ძირითად დებულებებს და დასკვნას, რომელიც შემდეგია:

ჭიათურის მრეწველობის წინსვლა და განვითარება და მასთან თვით საქართველოს ძირითადი ინტერესებიც მოითხოვდნენ, რომ შავი-ქვის მრეწველობის და ექსპორტის «თვით-არსებობა» არ ყოფილიყო მოსპობილი, როგორც ეს, მოსკოვის ბრძანებით, მოსპვეს ტფილელმა კომუნისტებმა. ის ხელისუფლება, რომელიც გულწრფელად არის მოწადინებული, რომ საქართველოს ეკონომიკა, როგორც ასეთი, მკვიდრ საფუძვლებზედ იყოს აღმშენებული, კი არ მოსპობდა ჭიათურის მრეწველობაში არსებულ ორგანიზაციებს, რომელიც წინ წამდგარ ნაბიჯს წარმოადგენდნენ, არამედ ყოველგვარ დახმარებას აღმოუჩინდა მათ. საქართველოს შავი-ქვის მაღალი ღირსებანი, ჩვენი ქვეყნის საუცხოვო გეოგრაფიული მდგომარეობა და მდარეობაში ხელ-საყრელი სამუშაო პირობები - ყველა ეს სამაგალითოდ უდავილებს ქართულ მარგანეცს უცხოეთის კონკურენციასთან ბრძოლას, მეტადრე თუ განხორციელებული იქნება ის პროექტები, რომელიც შემუშავებული ქმნდათ ბოლშევიკების მიერ აწ მოსპობილ ქართულ სამრეწველო ორგანიზაციებს. ქართული ინტერესები სრულიად არ საპირობდნენ ჭიათურის შავი-ქვის სვებედის დაკავშირებას, რომელიმე უცხო რაიონებთან. ის დაკავშირება, რომელიც ამ ქამად სვანიძე-მოდებაძეების მონაწილეობით ხორციელდება, სახარალოა ქართულ შავი-ქვის მრეწველობისათვის; იგი სასარგებლოა მხოლოდ ისეთ მდარე ღირსების და უცხოეთში ნაკლებად ცნობილ მარგანეცისათვის, როგორიც რუსული ნიკოპოლის მადანია. იმ ხნის განმავლობაში, რაც საქართველოს ოკუპაცია ხდება, ვერ მოხერხდა ერთი რამე საბოლოო ზომის მიღება და ჭიათურის მრეწველობა გამუდმებულ მერყეობას განიცდის; ამის მეფხებით უცხოეთის ბაზარი თანდათან ეჩვევა უჭიათუროთ მოიმარაგოს მისთვის საჭირო მადანი, რაც დასამარებას უქადის ჩვენს დიდ სამთო-მადნო მრეწველობას ჭიათურის რაიონში... აი ეს არის ის ახალი ეტაპი, რომელიც მოსკოვის ბრძანებით და პარტიმან-მოდებაძეების ჩარევით დამყარდა ამ ქამად ჭიათურის მრეწველობაში...

1928 წ. ნოემბერი.

**გ რ ზ ი... ი ზ ლ ი ა ნ ე მ...**

ახვანი ტანი ეროვნულ სამოსელში—ჩოხა ახალუხში—გახვეული... აღმოსავლეთის მსურვალე მზის შვილი... გრუზა-შავი თმა... საქართველოს მზის ცეცხლში გამოწვრთობილი, შავს წარბებს ქვეშ შავი თვა-

ლები-მტრისთვის მრისხანება, მოყვრისთვის სათნოების, უაღრესი კეთილშობილების, სიცოცხლის და სიყვარულის მომფენი. დინჯი, აუჩქარებელი. უცქერი-სტკეები ცქერით: თვალს ვერ აშორებ...



“უიმდო”—განაწამებ წუთებში ისწრაფვი ნახო, ახლოს იყვე მასთან, რომ სიმხნევე, ენერგია შთაგებ. როს არა ლამაზი, მომხიბვლელი სიტყვებით, არამედ უბრალო შემოხედვით, საქართველოს ცხოველ-მყოფელ მზის სხივებში ამოვლებულ თავისი სახით...

და თუ ქვეწარმავალთა და გარეწართა მიერ ბნელი წყვილიდით მოცული არე, თუ გამეფებული ჯოჯოხეთური პირობები საშვალელებს არ გაძლევს ხშირად შეხედვ, საქმარისია მოიგონო, რომ მისი აჩრდილი მთელი თავის ახონებით, თავასი მდიდარი ბუნებით წინ დაგიდგეს, კვლავ ბრძოლისაკენ მოგიწოდოს...

იქ, სადაც ის არის... სადაც ის იყო, არ შეიძლება უფითერი საქმე იყოს... იქ არის უკვდავება, იქ მარადიული საქმეა:

— სამშობლო, მებრძოლი საქართველო!...

ვინ არ იცნობდა მას—გოგის... პოლკოვნიკ გოგი ხიხშიაშვილს!

ის გვერდში ედგა საქართველოს რაინდთ: კლტე აფხაზს, გენერალ ანდრონიკაშვილს. გენერალ წულუკიძეს, პოლკ. მუსხელიშვილს და სხვ...

\* \*

ბათომი... უკანასკნელი დღეები... დღები მწარე, სისხლიანი. სუსხიანი, ჩრდილოეთის სუსხმა სძლია საქართველოს გრძნობიერ ბუნებას.

— გამეფდა უკუნეთი...

ნაბადში გახვეული, მივიჩქარი: მინდა გზა აუარო სევდიან სახეებს, მინდა ჩქარა გურიაში გავიდე, მაგრამ... სილიბისტრო!..

არ ვიცი როდას ვნახავ, მეორეთ სად ან როდის შევხვდები სპეტაკ მოხუცს, რომლის ცხოვრება მხოლოდ უღრეკი ბრძოლაა... მიუუახლოვდი, მივესალმე, დამაქტრდა. პირველ შეხედვით თითქოს ვერც კი მიცნო—პო, შენა? და რაღაც უნდოდა ეთქვა, ვერ მოასწრო, რომ სიცოცხლის შუქმა შემოგვანათა:

გოგი!...—მოგვესალმა.

— ვინ არის, გვარდიის დევიზიონის უფროსი, ჩვენი ხიმშიაშვილი?

წუთი, წაპი და მოხუცის თვლებმა დაჰკვესა!...

არასოდეს დამეფყებდა ეს წუთი, არის მომენტები —პიროვნება არაფერია; არის კიდევ—პიროვნება ყველაფერია. და იმ წუთს ჩვენ წინ იდგა «პიროვნება ყველაფერი», იმ წუთს ჩვენ წინ იყო მოხუცი და მუდამ ახალგაზრდა,—ჩვენ წინ აღიმართა დღეს დამარცხებული, მაგრამ ხვალინდელი მებრძოლი, მოუდრეკელი საქართველო. ეს აისახა უკვდავ ადამიანის სახეზე. მისი თვლებიდან დანაკვეთი ბრძოლის ნაპერწკლები გვწვავდა... გვნთქავდა...

— გადახედეთ ქართველი ერის ტანჯულ ცხოვრებას, მის ბრძოლას, მის ისტორიას. იქ ნახავთ ბევრს ძალიან ბევრს გმირებს, ისწავლეთ მათგან ბრძოლა და, თუ საჭირო იქნება სამშოლოსათვის, მათებრ თავის დადებ. ასეთი ურდოები საქართველოს ბევრი უნახავს. ყველას მას აქვე გაეთხარა სამარე. ესენიც აქვე დასამარდებიან. თქვენი და თქვენის სახით ახალგაზრდა მებრძოლთა შემყურე, მე, რომელსაც ფეხი სამარეში მიდგია, შეიძლება თქვენოდენი ვერ

შეესძლო, მარა მე ეს მეპატიება. ყოველშემთხვევაში ვეცდები უკანასკნელ წუთამდე მოგვეთ თქვენ ახალგაზრდებს, რომელთა ბრძოლა საქართველოს გამარჯვებას მოუპოვებს. გიციქვით და თითქოს ოცდაათი-ორმოცი წელი მომცლოდეს ზურგიდან... საქართველო კვლავ აღსდგება, საქართველო გაიმარჯვებს!.. —თქვენის ხელმძღვანელობით, ბნელ სილიბისტრო, —მოსწრებულათ მიუგო გოგიმ: წარსულშია ც რომ არ გვეყავდეს გმირები; ჩვენს წინ ბრძოლის ცოცხალი ისტორიაა. თქვენ გვასწავლით, გვიხელმძღვანელებთ და დავისხნით სამშობლოს...

გადაგვეხვია, გადაგვეოცნა... გზა დაგვილოცა. ცრემლები!.. სიცოცხლის და ბრძოლის ცრემლები!..

— დარჩი? კარგია, შალიან მესიამოვნა! ეხლა საით?—მეკითხება.

— გურიისაკენ...

— წამოდი ჩემთან, აქარით არტანუში მინდა გავიდე. იქ ცოლშვილი მყავს, ჩამოვეყვან თფილისში და შემდეგ...—უარო უთხარი:

— გურიაში და შემდეგ ალბათ დედა-ქალაქში შევხვდებით ერთმანეთს...

გამოვემშვიდობებ, გადავკოცნეთ ერთმანეთი...

ტფილისი. გოგი ხელმძღვანელ პოსტებზე. წინა რიგებში დგას და განა არ ვიცოდი, რომ ასე იქნებოდა!..

ჩეკის სარდაფი, მეტეხი, საგუბერნიო ციხე. ციხის საავათმყოფლო... ისევ ჩეკის სარდაფი.. ისევ მეტეხი და ასე დაუსრულებელი ცირკულიაცია, სანამ უკანასკნელათ, ავათმყოფო, ძალზე დასუსტებული ციხის საავათმყოფოდან არ გაიყვანეს ჯალათებმა...

უკანასკნელ ჟამს, როდესაც საქართველოს საუკეთესო შვილი, ხელფეხ მებრძოლი, საბარგო ავტომობილით ავანაკებს გოლგოთაზე აყავდათ, თანამებრძოლი, სიკვდილის პირზე მდგომნი, საოცარის ოსტატობით გოგის ბოროტიდან ანთავისუფლებენ... და ის არის... გადახტა!.. ის არის, უნდა გაუსხლტეს ჯალათებს ხელიდან, მაგრამ... იარალი, ჯალათის ხელიდან გავარდნილი!.. ვის შეუძლია წარმოიდგინოს ის წუთები?! მას შეეძლო ესარგებლანა ბნელი ღამე და თავი გადაერჩინა, ამის უტყუარი ცნობებიც არის, მაგრამ მან იარალს დაუწყულო ძებნა და ვინც გოგის იცნობდა, უეჭველია, ის წარმოიდგენს: იარალის ხელში ჩაგდება და უთანსწორო ბრძოლის მიცემა. ან სიცოცხლე ყველასი ან სიკვდილი მათთან,—საქართველოს საყვარელ შვილებთან ერთად. მაგრამ!.. პირველი თვით დაეცა...

\* \*

ბრძოლის სტიქია... მეხი... მტრისათვის მრისხანება: დაუდევარი, მოუსვენარი. დღეს სამშობლოს შინაურ მტერთა შემმუსრავი, ხვალ გარეშესი... საქართველოს სადარაჯოზე მუდამ მისი მკერდი წინა რიგებში...

— ივლიანე!

«მეც მებრძოლ საქართველოსთან მინდა ვიყრ. პოლიტიკა მე არ ვიცი. ეს თქვენი საქმეა. ვფიქრობ, აქ საჭირო იქნება იარალი. მაცნობე. მგონი იარალის





მოხმარას შევსძლებ. გამომიყენეთ. ყოველ წუთს მზათ ვიქნები თქვენს დაძახილზე.»

— ამ სიტყვებით მივიდა ის მებრძოლ საქართველოსთან. და მასთან ბევრი სხვა სახელოვანი მხედარი. ბევრმა მათგანმა თავი დასდო წარსულ ბრძოლებში, ზოგნი უცხო მხარეებშია გარდახვეწილი, ბევრნი დღესაც მებრძოლთა რიგებში დგანან...

ივლიან დაუკავშირდა გოგის, რომლის სიღინჯე. აუჩქარებლობა— აი რა ამაგრებდა მას, თორემ რამდენი შემთხვევა ყოფილა, რომ— ეს არის გაიჭრეს ველათ. მძიმე იყო მისთვის ცდა. მას დღესვე ბრძოლა სწყუროდა. ბრძოლა იარაღით!..

მასხოვს თავისუფალი, დღესაც და მარად მტკიცე სვანეთის პირველი ბრძოლის მიცემა... ივლიანე მზათ არის, წავიდეს სვანეთში, მიუხედავად მგზავრობის სირთულისა, მაგრამ ნებას არ აძლევენ. გულის ტკივილით ემორჩილება დადგენილებას.

ტფილისში სცხოვრობდა ლეგალურათ. ახალი ბრალდება მისთვის არ წამოუყენებიათ, მაგრამ მისი წარსული ბოლშევიკებისათვის ზომ საკმარისი იყო და ის ჩეკაში ზის. დიდი ხნის ტანჯვის და წვლების შემდეგ ახერხებს და ჩეკიდან გამოდის...

ივნისი 1923 წ. მოსკოვი. აქაც მოუხვეწარი, ნერვიული, წაწყდება ვინმე ბოლშევიკს. დათქვავს. ატუსაღებენ. დღეს პირველ კომისარიატში ზის. ხვალ მეორეში, ზეგ მესამეში და ასე დაუსრულებლათ 20 დღით, ერთის თვით, ერთი კვირით. სახელი დაიდგო ვიღაც ლოთი ქართელის. ის «კმაყოფილია», თუ გინდ ამ «ფირმით» უინი მოიკლას... გაფრთხილება, მეგობრული დარიგება... სიტვას იძლევა. გადის დრო, თავისას არ იშლის, ვერ იტანს, ვერ ურიგდება ირგლივ გამეფებულ უკუღმართობას, გათახსირებას. მოსკოვში ერთ-ერთ სასტუმროში ატუსაღებენ საქართველოს მხედრებს: მუსრანბატონს და ყარანგოზიშვილს. ჩახავა მათ გვერდით ცხოვრობდა; მასაც ეძებენ, მაგრამ უსხლტება ჩეკისტებს ხელიდგან. რამდენიმე თვის შემდეგ ბრუნდება საქართველოში. «სახლდარგარეთ წამოსვლას საქართველოში სიკვდილი მირჩევნია»-ო.

მას არ გაუშართლდა ოცნება: არ ხვდა წილად ბედნიერება აჯანყებაში მონაწილეობის მიღებისა. ადრევე ატუსაღებენ და სიცოცხლეს ასალმებენ...

დღეს საქართველო დათალხული, მის გულმკერდზე მდუღარე ცრემლთა ნაკადულები... ხვალ გაბრწყინებული, გამარჯვებული საქართველო ჯალათებს წინ გაიგდებს და მოსძებნის მათ, თავის ღირსეულ შვილთა საფლავებს...

იტყვიან:— ხელთუქმნელი ძეგლი დაიდგა, ისტორიის ფურცლებზე მათი სახელი აღიბეჭდება.

ამბობენ: — სამარადისოთ დაისადგურეს ერის გულში...

— ჭეშმარიტად! ჭეშმარიტად, მაგრამ ეს არ კმარა. ეს მათ მოიმოქმედეს. ჩვენ? სამშობლოს მოვალეობა მათ წინაშე?...

და მათ ხელუქმნელი ძეგლი უნდა დაუდგას განთავისუფლებულმა საქართველომ. ისე როგორც საფრანგეთის ყოველ კუთხეში შეხედებით სამშობლოსათვის მებრძოლ გმირთა ძეგლებს, რომელზედაც აღნუსხულია მათი ვინაობა...

და დაუდგამს კიდევც!..

ძეგლი სამშობლოს ყოველ კუთხეში, ყველა სოფელში, სადაც ერის საკურთხეველზე მსხვერპლი იყო მიტანილი და... სად არ იყო მსხვერპლი, სად ქვეთინი, რომელ კუთხეში არ არის დაკარგულ თავისუფლების აღდგენისათვის ერის სისხლი დაქცეული?!

ძეგლი ერთი გრანდიოზული დედა-ქალაქში, რომელზედაც უნდა აისახოს ერის ტანჯვა-წამება, მისი გოდება, მისი თავგანწირული ბრძოლა, მისი გამარჯვება. მასზე უნდა ამოიკვეთოს ყველა მებრძოლთა ვინაობა, საქათველოს რომელ კუთხიდანაც არ უნდა იქნეს, ბრძოლაში როლის განურჩევლათ.

და პირველ რიგში უნდა ამოიჭრას შეუპოვარი დიმიტრი ყიფიანის სახელი... სილიბისტრო. რომლის ცხედარიც კი ქრუანტელს გვრიდა მტერს, საქართველოს სინდისის განსახიერება კოტე აფხაზი, სახელოვანი მხედრები: გენ. ანდრონიკაშვილი, გენ. წულუკიძე, მუსხელიშვილი და სხ., ერის ძალთა დამარაზმავი, უდიდესი ორგანიზატორი ნოე ხომერიკი; რაინდები: ბენია, ვალიკო, გოგიტა და სხვა და სხვა და ასე ბოლომდის, უკანასკნელ მებრძოლამდე...

ეს ძეგლი უნდა ვახდეს და ვახდება კიდევც ერის კულთე, საქართველოს სამლოცველო, მისი სამოქალაქო ტაძარი. თაობიდან თაობა მას მოუვლის, განაახლებს, გამშვენებებს. მასზე ისწავლის სამშობლოს წარსულს, მისთვის ბრძოლას, მისთვის თავდადებას...

ამ ძეგლზე ამოკვეთილ ათასთა და ათათას სახელთა შორის საუკეთესო ადგილთაგანს დაიჭერს:

— გოგი... ივლიანე...


კახაბერი.

თ უ რ ძ მ ს ტ ა ნ უ ი.

(წერილი მეხუთე)

წინანდელ ნუმერში დაგპირდით მოგვლასპარაკოთ რეფორმების შესახებ თურქესტანში. ხოლო შეუძლებელია ლაპარაკი ყველა რეფორმაზე ან მათ უმთავრეს ნაწილზე— მას მოუღწევდა მთელი წიგნი. უნდა ითქვას სიმართლე, რომ «ჩვენი მიღწევები» ფრჩხილებში თუ უმისოთ, არსებითად, იწყება არაფრით. ავიღოთ მაგალითისთვის ჩვენი პრესა. რევე-

ლუციამდე ეს თითქმის ცარიელი ადგილია. იყო სუსტი ცდა, რომელიც ვერ ხორციელდებოდა ან ჩვენი საკუთარის სიბნელისა ან ძველი მთავრობის ადმინისტრაციული წომეობისა გამო. ჩვენი სკოლები? თვითონ ვიყავი მუსულმანური სკოლის მოწაფე. განათლების მაგიერ გონებას უბრმავედენ ბავშვებს, რომლებიც იშვიათ შემთხვევაში, როცა წამოიზრდ-



ბოდნენ, მერე თუ მოახერხებდენ წერაკითხვის შესწავლას...

მე ვიღებ ეროვნულ ცხოვრების, აგრე ვსთქვათ, ელემენტარულ მხარეებს. უსკოლოთ და უბრესოთ არ არსებობს ეროვნული ცხოვრება; ყოველ შემთხვევაში იგი არაფერში მქალავდება.

და ამ ფართო ცარიელ ნიადაგზე მოგვევლინა «საბჭოთა ხელისუფლება ეროვნული თვითგამორკვევის განსახორციელებლად», ე. ი. ეროვნული კულტურის შესაქმნელად გარეშე სახელმწიფოს გარეგნულ ფორმისა...

შევვხები აქ მხოლოდ რამდენსამე რეფორმას და ამით დავასურათებ საბჭოთა ეროვნულ აღმშენებლობას თურქესტანში. აი ეგრეწოდებელი «გამიჯვენა ერებს შორის». ჩვენი ეროვნული მომავლისთვის ეს ყველაზე მეტად მნიშვნელოვანი საგანია. თურქესტანში წარმოადგენს ერთს ეროვნულ სხეულს. უზბეკები, ყაზახები (წინად რუსები «ყირგიზებს» ეძახდნენ), ყირგიზები (წინად «ყარა-ყირგიზები»), თურქმენები, ყარა-კალპაკები—ყველანი ერთს ხალხს შეადგენენ, ერთის თურქულის ენით, რომელიც ალაგ-ალაგ განსხვავდება გამოთქმით, და ყველას თავისუფლად ესმის ერთმანეთის ლაპარაკი. ერთად ერთი განსხვავებული ეროვნული ჯგუფია—ტაჯიკები (ირანულ ჩამომავლობის). ისინი თურქებზე ადრინდელი მკვიდრნი არიან თურქესტანის და ცხოვრობენ მთლიანად აღმოსავლეთ ბუხარაში, ავღანისტანის საზღვარზე. დანარჩენი თურქესტანი დასახლებულია თურქებით ერთის ეროვნების, ერთის ენის და სარწმუნოების. ამას კარგად გრძნობდენ ადგილობრივი ბოლშევიკებიც, რომელთაც (რკპ-ის თურქესტანის ბიურო მუსულმანურ ორგანიზაციებისა) დაადგინეს 1919 წელს, რომ მოსპობილიყო თურქესტანელები დანაწილება უზბეკებად, ყაზახებად, თურქმენებად და სხ. და ყველასთვის დარჩენილიყო უბრალოთ საერთო სახელწოდება «თურქებისა». ამისდაგვარად უნდა შეცვლილიყო თურქესტანის კომპარტიის სახელიც—ნაცვლად სათემო უზბეკურ, თურქმენულ და სხ. სექციებისა უნდა ყოფილიყო ერთი «თურქული კომპარტია».

ამ გარემოებამ ძლიერ შეაშფოთა საბჭოთა მთავრობა, რომელმაც წინად გააძევა თურქესტანელი ავტონომისტები, თურქესტანის გაერთიანება რომ უნდაოდათ ერთის ეროვნულის მართვლობით,—და გადაწყვიტა ამ «პანთურქესტანულ განზრახვების» ჩაშლა. თურქესტანის რევოლუციის საბჭოთა ისტორიკოსი ს. მურავისკი (რევოლუციონური მოძრაობის ისტორია შუა-აზიაში. ტაშკენტი 1926 წ.) ამბობს ამის გამო:

«მუსბიურო» გადაიქცა თურქთა მუსულმანურ ინტელიგენციის ნაციონალისტურ მისწრაფებათა თავშესაფარად. ადგილობრივ მასის ორგანიზაცია დაადგა მეტად სასიფათო გზას და ეროვნულმა ინტელიგენციამ მოინდომა საბჭოთა ხელისუფლების გამოყენება ეროვნულ თვითგამორკვევისათვის».

თავისთავად ცხადია, რომ დაუყონებლივ იქნა დაშლილი «მუსბიურო», რომლის ლიდერს რისკულოვს დღეს რსფსრ-ის სოვნარკომის თავმჯდომარის მრადგლის დიდი თანამდებობა უკავია, და ამ დღი-

დან ბოლშევიკებმა დაიწყეს თურქესტანის დანაწილება თემობრივი თვისების მიხედვით. 1924 წ. ეს დანაწილება მოხდა «ერების სახელმწიფოებრივი გამიჯვნის» სახით. ამგვარად შეიქმნა უზბეკისტანის და თურქმენსტანის ს. ს. რესპუბლიკები, ყაზახსტანის და ყირგიზსტანის ავტონომიები რსფსრ-ს ფარგლებში, ტაჯიკსტანის ავტონომია უზბეკსტანში და ყარა-კალ-პაკების ავტონომიური ოლქი ყაზახსტანის საზღვრებში.

თუ შედარებით რიგიანი მარქსისტი. კ. მარქსი მიესალმა იტალიის და გერმანიის გაერთიანებას. ბოლშევიკებმა, რომლებიც თავის თავს პირველ ხარისხოვან მარქსისტებად სთვლიან, თურქესტანის თურქების გაერთიანება გამოაცხადეს ფრიად მანებულ მოვლენად.

იქ კ. მარქსი მიესალმა დანაწილებულ თემების გაერთიანებას ერთ ერად. აქ კი მისი მოწაფეები—ლინინიანები ცთილობენ ერთი ერის დანაწილებას თემებად და ეროვნულ თვითგამორკვევის ნაცვლად აწორციელებენ ძალდატანებით «თემობრივ თვითგამორკვევას».

ეს ხომ ძველის ძველი, რომაელების დროინდელი ამბავია: «დანაწილე და იბატონეს!»

ასე და მხოლოდ ასე ვუცქვრით ჩვენ ერთის განუყოფელის თურქესტანის დანაწილებას ცალკე თემობრივ ერთეულებად. თუ მთლიანი თურქესტანი საშიში და სასიფათო სჩანდა რუსის ბოლშევიკური მთავრობისთვის. დანაწილებული თურქესტანი არანაკლებ სიძნელეს ჰქმნის ჩვენი მომავალი ეროვნული აღმშენებლობისთვის...

აგარარული რევოლუცია, ლენინის შემეცნებით, საფუძვლად უნდა დასოებოდა განმათავისუფლებელ რევოლუციას თურქესტანში და საერთოდ მთელ აღმოსავლეთში. 1927 წელს სტალინი ჩინელებს მიუთითებდა «ჩვენს საბჭოთა თურქესტანზე», სადაც არსებობდენ მხოლოდ გლეხთა საბჭოები, ე. ი. მართვლობა იყო მხოლოდ რევოლუციონურ-გლეხური. ეს რააკვირველია, სრული სიკრუეა. ოქტომბერი ჩვენში დაიწყო «რუსის პროლეტარიატის დიქტატურის» გამოცხადებით და იმით, რომ თურქესტანელებს უფლება წაართვის, მონაწილეობა მიეღოთ ხელისუფლების ორგანიზაციაში. რაც შეეხება რევოლუციის «აგარარულ საფუძველს» თურქესტანში, ამის შესახებ დავიმოწმებ უკვე ნახსენებ რისკულოვს. 1924 წ. რისკულოვმა მოსკოვის «პრავდაში» (თებერ.) მოიგონა თავისი შეხვედრა ლენინთან 1920 წელს: ლაპარაკი ჩამოვარდა ამ «აგარარულ საფუძველზე». ლენინს ჰკითხა რისკულოვმა, რომელიც მაშინ, არ ვიცი, თურქესტანის ც. კ. თუ კომისართა საბჭოს თავმჯდომარე იყო: თურქესტანის პირობების მიხედვით, ვინ უნდა ითვლებოდას კულაკად და ვინ ღარიბად. და რისკულოვო აღიარებს, რომ ღენინმა ვერ მომცა «მარქსისტული სწორი პასუხი».

ეს იყო მაშინ (1920 წ.), როცა თურქესტანში დალუპული იყო უკვე ორი მილ. მკვიდრი!

ნუთუ შესაძლებელია რევოლუციის «აგარარულ საფუძველზე» ლაპარაკი იქ, სადაც არც მთავარმა ხელმძღვანელმა და არც ფრიად პასუხისმგებელმა



მოწაფემ არ იცის, თუ ვინ უნდა იგულისხმებოდეს კულაკად და ვინ ღარიბად?

უნდა ვიფიქროთ, რომ «აგრარულ საფუძვლად» მიაჩნდათ ყაზახ-ყირგიზთა მიწების დატაცება გადმო-სასწავლელ რუსების მიერ! ბოლშევიკ საფაროვს მთ-ყავის ცნობები, რომ ბოლშევიკების ბატონობის პი-რველ ორი წლის განმავლობაში რუსების მიწის ფლობელობა გაიზარდა 37 პროცენტიდან 74-მდის. გარდა ასეთი «აგრარულ რევოლუციისა» თურქეს-ტანში არა მომხდარა რა. და საბჭოთა მთავრობამ. თურქესტანელ გლეხების უწყალო ამხედრების შე-მდედ თავის «მემამულე ბატონების» წინააღმდეგ ხუთი წლის განმავლობაში, გადასწყვიტა... «მიწის რეფორმის» მოხდენა.

ამ რეფორმის არსება გამოიხატება იმაში, რომ მიწები უნდა ჩამოერთვას შეძლებულთ და გადაეცეს ღარიბებს. ამის ფაქტიური განხორციელება დაიწყო 1925 წ. დამდეგს. სავსებით შესრულებულია მხო-ლოდ უზბეკისტანში. დანარჩენ თურქესტანში მხო-ლოდ ნაწილობრივ განხორციელეს. მოვიყვან ზოგი-ერთ ციფრს რეფორმის შესახებ უზბეკისტანში. ყვე-ლაზე უფრო «მსხვილ მემამულეების» ოლქებია ტა-შკენტის, ფერგანის და სამარყანდის, აქ მემამულე-ებისა და მსხვილ ვაჭარებისაგან ჩამორთმეულ მიწების რაოდენობა უდრის... 90 ათას დეს. სულ ამ ოლქებში, თუ მივიღებთ მხედველობაში მეჩეთების, ემიგრან-ტების ადგილებსაც, ჩამორთმეულია 130 ათასი დეს. მთელს უზბეკისტანში (ამაში შედის ბუხარა დახივაც), სადაც მიწის რეფორმა დამთავრდა ამ თვენახევრის წინად. ჩამორთმეული მიწები შეადგენს 280 ათას დეს. ნაანგარიშეგია როგორც სარწყავი, ისე ურწყავი ად-გილები. შევადაროთ ეს 280 ათასი დესეტინა შე-მდედ ციფრებს: მხოლოდ სარწყავი ადგილი უზბეკი-სტანში 1914 წ. იყო დაახლოვებით 2 მილ. ნახევარი დესეტინა, მცხოვრებთა რიცხვი კი იყო 5 მილ. ნახე-ვარი სული. მხოლოდ მცირე შეძლების და უმამუ-ლო მკვიდრთა ერთი მეოთხედის დაკმაყოფილება შეიძლება ამ 280 ათასით და ისიც ნაწილობრივად.

მიწის სიმცირე უზბეკისტანში წარმოსდგება არა «მსხვილი მემამულეების» არსებობიდან, არამედ იმი-სგან, რომ ცოტაა სარწყავი ადგილი, და აგრარული საკითხის გადაჭრა შეიძლება მარტო სარწყავი მიწე-ბის გადიდებით და ახალ დასამუშავებელ მიწების გამოძებნით. აქედან უნდა დაწყებულიყო «მიწის რე-ფორმა» თურქესტანში.

მერე როგორ განხორციელდა ხსენებული რევი-ლუციონური «რეფორმა»? ამ «რევოლუციის» გამარ-ჯვებისათვის საჭიროა შეიქნა... შარიატის ჩარევა სა-ქმეში. უზბეკისტანის მუსულმანურმა სამღვდლოე-ბამ მოწოდება გამოსცა, რომ საბჭოთა «მიწის რე-ფორმა» არ ეწინააღმდეგება შარიატს. ბოლშევიკებმა არამც თუ მიიღეს ეს თანამშრომლობა, არამედ ყო-ველნაირად ავრცილებდნენ ხალხში სამღვდლოების მოწოდებას.

რასაკვირველია, ბოლშევიკებს თავის რეფორ-მით მიწის საკითხის გადაჭრა კი არ უნდოდათ, არა-

მედ მარტო «კლასიური ბრძოლის» გაჩაღება უზბეკ-თა შორის. გასაოცარი საქმეა: შარშან იანვარში უზ-ბეკისტანის მიწათმოქმედების კომისარმა ცირკული-არი გამოსცა, სადაც სასტიკად დასჯას ემუქრება ყოფილ მემამულეებს თავის მიწების უკან მიღე-ბისათვის ახლანდელ მფლობელებისაგან... უზბეკის-ტანში ბევრგან ახალი მეპატრონეები საკუთარის ნე-ბით უბრუნებენ მიწას წინანდელ მესაკუთრეებს...

უადგილობისა გამო, სამწუხაროთ, ვერ შევჩერ-დები სხვა რეფორმებზე. კერძოდ ფრიად მნიშვნელო-ვანია ქალთა საკითხი, რომელსაც ბოლშევიკებმა «კლასიური ელფერი» მისცეს. «მიწის რეფორმის-თვის» რომ შარიატის დახმარება შეიქნა საჭირო, რომ ამ «რეფორმას» დღეს თითქმის იარაღით იცავენ ბოლშევიკები—ეს იმას მოწმობს, რომ თურქესტან-ში ჯერ «კლასიური ნიადაგი» არ არსებობს. ასეთი «ნიადაგის» გამოძებნა ქალთა საკითხისთვის—ქალ-თა კარჩაკეტილობის მოსასპობად—მეტად აფერხებს საქმის წარმატებას. განა მწარე ირონია არაა ბოლშე-ვიკურ «კლასობისათვის», რომ შუა აზიის ც. კ. ბი-უროს ოფიციალურ ორგანოში კომუნისტი როგორღი მოუწოდებს «პროგრესიულ მოაღიებს». გამოხონი ყურანში სიტყვები ქალის პირახდილობის დასაც-ვად!

არსად ბოლშევიკებს არ შეხვედრიათ იმდენი წინააღმდეგობა როგორც აქ. კვირა არ გავა ისე, რომ ამ ნიადაგზე არ მოხდეს მკვლელობა. ციხეში ჩაღე-ბამ და დახვრეტამ ვერ შეაჩერა «რევოლუციის სა-წინააღმდეგო» ბოროტმოქმედება. ბევრი პასუხის-მგებელი მომუშავე პირახდილად არ უშვებს თავის ცოლს. ზოგმა ასეთ ხერხს მიმართა: «ეგროპიული ცოლი» შეირთო, რომელიც რევოლუციონურად პი-რახდილი დაღის ქუჩებში, მაგრამ ამასთანავე მას კარჩაკეტილი ჰყავს თავისი «მუსულმანური ცო-ლები».

ესაა უდიდესი მორალური მარცხი რევოლუცი-ის! ამაშია უზბეკისტანის და მთელი თურქესტანის «რევოლუციონური პროლეტარიატის დიქტატუ-რის» სიყალბე!

რამდენად თურქესტანის ეროვნული მოღვაწენი წინააღმდეგნი ვართ ჩვენი ქვეყნის თემობრივ დანაწი-ლებების, რამდენად ერთსულოვანნი არა ვართ მიწის საკითხის შესახებ, იმდენად—ვიფიქრობ—ერთსულო-ვნად თანავუგრძობთ ქალთა რეფორმის განხორციე-ლებას.

მე მარქსისტი არა ვარ, ხოლო შეუძლებელია კლასობრივი ბრძოლის უარყოფა. საუბედუროთ ბოლშევიკებმა ეს ბრძოლა გადააქციეს პრინციპად და სადაც არ არსებობს, ხელოვნურად ჰქმნიან. თურ-ქესტანის სინამდვილე ამის ბევრს მაგალითს იძლევა.

ასეთი მუშაობა უწყალოთ არ რჩება და ახალი თურქესტანის ეროვნულ ძალებს წინ გვიდევს მეტად მძიმე სამუშაო, რომ რაც შეიძლება უმტკივნეუ-ლოთ გავწმინდოთ თურქესტანი ბოროტი ნათესი-საგან.

მუსტაფა ჩაქაევი.

უცხოეთის მიმოხილვა.

ლიტვინოვის ქეხი

თქვენ ვახსოვთ, როგორის გაშმაგებით ესხმოდა თავზე კიდევ ჩიჩერიანი კელოგის პაქტს, გამოჰქონდა იგი, როგორც იმპერიალისტთა უდიდესი შეთქმულება ს. ს. რ. კ.-ის წინააღმდეგ. პაქტზე ხელსმოწერის დღისთვის კომინტერმა მობილიზაციაც კი გაუკეთა თავის ძალებს «მსოფლიო მანკობებით» და პარიზში, სადაც 15 სახელმწიფოს საგარეო მინისტრები შეიყარნენ, დიდი დემონსტრაცია დანიშნა «პროლეტარულ პროტესტის» ნიშნად. რასაკვირველია, როგორც მობილიზაცია, ისე დემონსტრაცია სასაცილო-საოხუნჯოთ დამთავრდა ყოველგან, რადგან კომინტერნის «მილიონები» მხოლოდ ქალაქებს და, ნამდვილათ რაც იყო ცოტა ძალები, ისიც იშლება და ისრწნება ყველგან, მოსკოვის სუბსიდიების ძალზე შეკვეცის-გამო.

და სწორედ ამ დროს, როცა გვეგონებოდათ, რომ მოსკოვი უცხადებს პაქტს სამკვიდრო-სასიცოცხლო ომს, იმავე ჩიჩერიანმა, როგორც კომინტერნის, ისე ყველა ქვეყნის კომპარტიების ზურგს უკან, მოლაპარაკება გამართა, საფრანგეთის საშუალებებით, პაქტზე ხელის მოსაწერათ უპირობოთ, ერთი მიმინის შეუცვლელათ! მან ხელიც მოაწერა და რატიფიკაციაც გაუკეთა თვით ვაშინგტონის ადრე, საიდანაც პაქტი გამოვიდა! ამით ჩიჩერინს თითქო იმის დამტკიცება სურდა, რაც არავის სჯერა: საბჭოთა მთავრობა სხვაა და კომინტერი კიდევ სხვაა.

ყოველ შემთხვევაში, ლიტვინოვმა უფრო «გაადრმავა» მისი შეფის დაწყებულება და მიმართა პოლონეთს და ლიტვას ნოტიო: კელოგის პაქტის რატიფიკაციას რალაც აგვიანდება, მოდი, დღესვე გავხადოთ იგი ჩვენთვის სავალდებულოთ და ამისათვის ცალკე ოქმს მოვაწეროთ ხელი, რომლის პროექტს აქვე გიგზავნითო. პოლონეთმა შეუთვალა მოსკოვს: კარგი აზრი მოგსვლია, პრინციპიალურათ გეთანხმები მხოლოდ რატომ ბალტიის რესპუბლიკებს და რუმინიას არ მიმართე იმავე წინადადებით, მაშინ როდესაც ლიტვა. მოიწვიე, რომელთანაც მოსახლდრეც არა ხარო, თან მე ერთი 15 ხელმოწმერთაგანი ვარ (ხმელეთის მეექვსედი არ დაუშვებს პარიზში!), საქირთა შევეუთანხმდე ჩემს კოლეგებსო.

და გაიმართა დიპლომატიური ჭადრაკი ვარშავასა და მოსკოვს შორის, ვინ ვის გააბამს ხაფანგშიო; მაგრამ ამასობაში ვაშინგტონის სენატმა და კულიჯმა დამტკიცეს პაქტი და აქედან ლიტვინოვის წინადადება მდოგვად იქცა ვაშინის შემდეგ! ჭადრაკი გრძელდებოდა თავის თავათ, ლიტვის თავმჯდომარე ვოლდემარასი ნაბიჯებს სდგამს რიგასა და რეველში, უჩივის პოლონეთს ქენევაში, ომი სწყურთა ჩემს წინააღმდეგ, თორემ მოსკოვის ასეთ ჩინებულ წინადადებას აბა ვინ არ შეუერთებო. ამითაც არაფერი გამოვიდა, ლიტვინოვი უკან იხევს და თანხმდება ბალტიის რესპუბლიკების და რუმინის მოწვევაზე და, ამ რიგათ, ოქმს ხელს აწერენ. მას სურდა სულ სხვა: პოლონეთის გამოთიშვა მეზობლებისაგან, ნამდვილათ კი მიაღწია წინააღმდეგს, კიდევ უფრო დაახ-

ლოვებას. ვინ მოიგო? რასაკვირველია ვარშავამ.

მაგრამ, თუ ლიტვინომაც ცოტათი მაინც ხელი შეუწყო მშვიდობიანობის განმტკიცებას აღმოსავლეთ ვეროპაში, ესეც არაა ურიგო, თუმცა საეჭვოა, რომ მან ამისათვის ნობელის პრემია მიიღოს...

რატომ? იმიტომ, რომ მისი მოტივი სულ სხვა იყო, სახელდობრ ისა, რომ ამერიკის გულის მოგება სურდათ, სადაც შეიშანი ორი თვეა წლებზე ფეხს იდგამს, ცოტა რამ სულის მოსაბრუნებელი უშოვოს მოსკოვს. მაშასადამე, ლიტვინოვიც არაფერ შუაშია: მას უბრძანეს პოლიტიკურადან, ჩქარა რამე ოინი გააკეთე, თორემ ვიღუპებითო. მანაც გააკეთა. რა მისი ბრალია, თუ ცოტა ტლანქი გამოდგა მისი ქესტი.

ტყვე-ხუვერენი.

ბოლო მოვლო რომის პაპის ტყვედ ყოფნას, რააც მან თვითონ გამოუცხადა თავის თავს. სამოცი წელი იქნება ჩქარა, მას შემდეგ რაც გაერთიანებულმა იტალიამ იარაღით დაიპყრო რომი და თავის დედა-ქალაქად აქცია. პაპი არ გამოდიოდა მსოფლიოში უდიდეს სასახლიდან, წმინდა პეტრეს ტაძარიდან, ბაღიდან (რალაც 50 ათასი ოთხკუთხი მეტრი, ვატიკანად წოდებულიდან) და ფეხს არ სდგამდა იტალიის ტერიტორიაზედ. პროტესტის ნიშნად. საპროტესტო კი ჰქონდა, მართალი უნდა ითქვას. პაპი დასაბამიდან არა მარტო წმინდა პეტრეს, არამედ რომის იმპერატორების მოადგილედ სთვლიდა თავის თავს. რომის დაპყრობის შემდეგ მან დაჰკარგა საერო უზენაესობა, ხოლო სასულიერო ხელუხლებლათ შერჩა. «ტყვეობაში», რომელსაც ბევრი მეფე ინატრის, კიდევ უფრო განაზრდა მისი შარევიან კეთი, ასე რომ მაინც და მაინც არც კი მისიწრაფოდა კვირინალთან (მეფის სასახლე) შერიგებისაკენ. პირიქით. იტალიის მეფე-მთავრობები ცდილობდნენ შერიგებას, ცალმხრივი დეკრეტით ბევრი უპირატესობანიც კი მიანიჭეს ვატიკანს, მაგრამ ვერაფერს მიაღწიეს.

სხვისთვის მიუღწეველი დუჩემ განახორციელა! პაპი თავის ტერიტორიაზედ თითქო საერო სუვერენადაც სდებდა, რამდენიმე ათასეული ოთხკუთხი მეტრი კიდევ ეძინება მის სამფლობელოს, იღებს იტალიის ხაზინიდან კარგ დარგვალბულ თანხას «ზარალის ასანაწლაურებლათ». ჰკრავს იტალიასთან კონკორდატს, რომლის ძალით კათოლიკური ეკლესია და სასულიერო წოდება დიდ უფლებებს იღებს ახალგაზდობის სწავლა-აღზდაში...

ვატიკანსა და კვირინალს შორის მიღწეული შეთანხმება უეჭველათ მოასწავებს იმას, რომ პირველი ფორმალურათ ადასტურებს იტალიის დღევანდელ რეჟიმს-ფაშინს. ხოლო მეორე ცნობილობს პაპის გავლენას ხალხზედ. ამ რიგათ, სარწმუნოება და პოლიტიკა ხელს აძლევენ ერთმანეთს, რათა გააძლიერონ თვითეულის ძალა-უფლება და პრესტიჟი.

დიპლომატიური განწყობილებაც მათ შორის აღდგენილია, მაშასადამე, ელჩს, რომელიც დანიშნულია ვატიკანთან, არ აღეკვეთება კვირინალში შესვლა, და წინაუქმო. შეთანხმებას უთუოთ დიდი შედე-

გები მოჰყვება საერთაშორისო ცხოვრებაშიც. პაპს ისედაც ჰყავდა თავის კარზედ სხვა სახელმწიფოების ელჩები და თვითონაც აგზავნიდა სხვების კარზედ, და აქ ეყენი უხუცესად ითვლებიან. ამიერიდან ის ალბათ მოისურვებს უფრო რეგულიარულ განწყობილებას ყველასთან და ერთა ლიგაშიც წარმომადგე-

ნელის გაგზავნას. ამას თუ დაუმატებთ, რომ პაპი არ ითაკილებს მომავალში თავის სამწყსოს მოვლას, და ეს კი ვრცელდება თითქმის მთელ მსოფლიოზე, მისი გავლენა კიდევ უფრო გაიზრდება და შეუძლია თვითეულ ქვეყნის შინაურ საქმეებშიც კიდევ უფრო დიდ როლი ითამაშოს.

ს ა გ ზ ო ტ ა ს ა ქ ა რ თ ვ ე ლ ო შ ი

საბჭოთა გოჯა-ხალხმა ერთი ახირებული დიპლომატია იცის: როცა ქვეყანა კი გაიგებს საბჭოთა ამა თუ იმ სიგლასხს, მაშინ ხელისუფლებაც დაჰკრავს ბუკსა და ნაღარას, რათა ქვეყანას აცნობოს ის, რაც უკვე ცნობილია და აღარ დაიმალება. ეს ნაცადი ხერხი ერთხელ კიდევ გამოსცადა ჩვენში სასამართლომ, სახელდობრ ვინმე ბახტაძის პროცესზე (17 იანვრის «კომუნისტი»). ბახტაძე ბოლშევიკური წოდებიდან გამოსული ტარიელია და თავლის მდინარეზე პირის დაყობის გარდა არა უწყის რა. საბჭოთა ასპარეზზე ის კომსომოლის ხარისხამდე ასულა და წითელი ცდომის ვაშლის გემოც გაუსინჯავს: სულიგანობა, ლოთი-ფოთობა, მეძავი ქალების დევნა. და აი, როგორც გლახა ქურდი განიდევნება ხოლმე დახელოვებული ქურდების წრიდან, ისე ბახტაძეც განიდევნა, ერთმან გვიან თავისი მრევლიდან, რადგან ის არ აღმოჩნდა პროფესიონალი ბოლშევიკი. კარგი ბოლშევიკი რომ ხალხში გამოვა, ბურჟუაზიულ კოსტიუმზე პროლეტარულ კონკებს გადაიცვამს; ქალაქიდან თუ სოფელში წასვლა მოუხდა, პაიჭითა და ნაბდით მოირთვება, კილოს გლეხურად გადაიკეთებს. მივლინების შემდეგ იგივე პიროვნება ისევ განცხრომის მორევში შეტრავს და სათვლელს საამო თავდავიწყებამოი. ის ფრთხილი და მუხთალია. ბახტაძე კი ასე როდი მოიქცა. მან ქვეყანას გადასძახა, ტარიელი ვარო; ამით მან «სოციალისტური უმარულის» სქელი ფენა პირისახიდან მოირეცხა და ლენინის სულიერი ამბორის მიერ დატოვებული პოლიტიკური კეთრევანება საჯაროთ გამოაჩინა. დიდ ხანს მის წინააღმდეგ ხმა ვერავინ ამოიღო. ბოლოს დაიწერა კორესპოდენცია, რომლის ავტორობა ბახტაძემ დასწამა ვინმე ვაჩიშვილს და სამართლის გასაჩენათ მიუგზავნა განიერი მხარ-ბუკის მქონე ბრევეაძე. ამას უნდა დაეშინებია კორესპოდენტი ერთხელ და სამუდამოთ. როცა ეს გაიგეს ცენტრში დიდი ყალაბის ტარიელეზმა, გადასწყვიტეს პატარა ტარიელის საჯაროთ გასამართლება და სანახაობის მოწყურებულ მრევლს უჩვენეს კიდევ მორიგი ტანცი-მანცია. წითელი თუ მოწითალი კორესპოდენტი პირველად ყოვლისა პოლიტიკური დაწვერვის იარალია და ავსებს საბჭოთა საიდუმლო პოლიციის უამრავ რიგებს. ის მოჩვენებითი თავყანისცემა, რომლითაც მას ეპყრობიან, მისი ასეთი როლით აიხსნება. ამიტომ გასაგებია, რომ პროცესზე სიტყვების კორიანტელი დაყენეს და ბრალდებულის თავზე ქარსა და მესხ მოუწოდეს. დიდი საძიებელი და თავსატეხის სასამართლოს არაფერი ჰქონია, მაგრამ პროცესი მაინც არ დარჩა ინტერეს მოკლებული; მან გამოამწეურა კომპარ-

ტიის შინაური ცხოვრების ისეთი მხარე, რომელსაც ამდენი ხანია აფარებენ დახეულ ფარაჯას, მაგრამ მაინც ვერა მალავენ. ამ დუხტორ ყოფას პროკურორმა გადაგვარება უწოდა და არც შეეცდარა ტერმინის გამანახავში. როგორც პროცესზე აღნიშნეს, ბრალდებული ბახტაძე არ ყოფილა პატარა კაცი. ის საკონტროლო კომისიაში მუშაობდა. მაგრამ როგორ მიანდევს მას სხვისი კონტროლი და გაწმენდა, თუ თვითონ სიბილწის ჭურჭლის გარდა არა იყო რა? თუ ოდესმე ამ გარდაუვალი წინააღმდეგობის დანახვას ხელი შეუშალა საბჭოთა უცოდველობის იაფმა რეპუტაციამ, ღღეს ეს წინააღმდეგობა იმდენათ ცხადია, რომ ბახტაძის პროცესზე განგებ მორეკლ ბნელეთის ლაშქარის კრინტიც არ დაუძრავს, როცა წითელმა პროკურორმა დორბოში ვანალესი საბრალდებულო სიტყვით არსებითად ბრალი დასდო არა ბახტაძეს, არამედ ბახტაძეების პარტიას—ამ გარეწართა დაწნეობრივად დასწეულებულთა თავშესაფარს. ჩვეულებისამებრ პროცესზე ბევრმა სახანო ოქროპირმა ილაპარაკა. ბრალდებული ჩაქოლეს, როგორც ურიასტანის შვილები ჩაქოლავდენ ხოლმე მეცადედ დაეკაცს. მაგრამ იმის თქმა, რომ სულიგანობა ზოგადი და ნიშანდობლივია მთელი პარტიისათვის, ახრათ არავის მოსვლია. რა ეწოდება კომუნისტ ბახტაძის დანაშაულს? გადაგვარება, პარტიული პრივილეგიების ბოროტად გამოყენება, გარყვნილება (მეძავი ქალების ექსპლუტაცია). მაგრამ ეს ხომ მთელი ბოლშევიზმის სტატიური მდგომარეობაა? ჩამოაცალეთ ის ოფიციალური შარავანდები, რომელიც ბოლშევიკური მითოლოგიის ძალით შენაარსმა კომპარტიას თავზე დაანათლა, და მაშინ ბრალდებულ ბახტაძეში ყველა იცნობს თავს, ნაცართა-უხუცეს ცხაკაიდან პარტიის უკანასკნელ კაცუნამდე. ბახტაძის სახით სასამართლოს თეთრი შაშივი კი არ ჩაუგდია ხელში, არამედ ჩვეულებრივი კომუნისტი. ერთი ჩარჩის ბავშის ჰკითხეს, ორჯერ ორი რამდენიაო.—ოთხი კაპევიკიო,—უპასუხა. ამის არ იყოს კომუნისტზე შეუცნობლათ ვრცელდება სულიერათ დამაძაბუნებელი და გამრყენელი გავლენა საბჭოთა გარემოსი, ის იმ განძით იკანშება, რა განძიც მოეპოვება თავის პარტიის საოჯახო სკივრში: პარტიული ბილეთი და ნავანი. ეს ორი რამ ყოფილა, როგორც აღნიშნა ეს პროცესზე ერთმა კომუნისტმა, ის მთავარი საშვალება, რომლითაც ძალდატანება და ანარქია ხორცილდება. ეს გასაგებია, რადგან ბოლშევიკობის ბილეთი არის ის ყალბი თამასუქი, რომლის სიყალბე ყველამ იცის და რომლის ვანაღდებას ნავანის მფარველობა სჭირია.

მართლაც, მართველობის ყოველგვარ ფორმას აქვს თავისი პრინციპი: ერთს—ღვთაებრივი უფლება, მეორეს—უფლება და სუვერენობა დემოკრატიისა და საბჭოთა სისტემის არსებობის საშველზეა დასაყრდენი. საბჭოთა იდეოლოგიის მადლი და მირონი ძალმოხმრეობის თეორიაშია. ამ თეორიის ცხოვრებაში გატარება გადაიქცა სოვეტების უმაღლეს მიზნათ, და იმ მიზნის სამსახურში მოწოდებულია ბნელი ინსტიტუტი საზოგადოების ფსკერიდან ამოვლებული მახინჯი ადამიანისა.

საერთო თავისუფლების ალაგმვის შემდეგ დასაყრდენის თეორიის საცდელ მინდვრად თვით კომპარტია გადაიქცა და დაპირებული პარტიის სუვერენობა შესცვალა დეკრეტების სუვერენობამ. ეს ფატალური შედეგია ისეთი იდეოლოგიისა, რომლის წყარო მხოლოდ ფანატიზმი და წარმართული ყინიანობაა. თუ ასეთ პირობებში პარტია გადაიქცა ზნეობრივად ეჭვ-მისატან ინსტიტუტად, ეს გასაკვირი არაა. კვიცი გვარზე ხტისო, ნათქვამია და საქართვე-

ლოს კომპარტია ცოცხალ მალაყებზე გადადის. ქართველი კომუნისტი პატრონის მანერას არამც თუ გადმოიღებს, გადმოხატავს კიდევ. ამიტომ ბახტაძის მაგალითი სრულიად არ არის გასაკვირი. გასაკვირი ისაა, რომ მას საპრობოლის შემდეგ საქართველოდან ხუთი წლით გაძევება მიუსაჯეს. რატომ? თუ ბახტაძე გადაგვარდა და მანერაში სამუშაოდ აღარ ვარგა, თუ მისი სამაგალითო დასჯა გინდათ, მაშინ ცენზურაში წაიყვანეთ და კომისრად დასვით, იქ ხომ მაიც ივარგებს. მაგრამ არა, საბჭოთა კეთრფიანი არსება დემონსტრაციულად იგლეჯს სხეულიდან ერთ ჩირქიან მუწუკს და ავდებს. თითქოს ამით კეთრფიანებაც მოიშორა. „ნამდვილი გენიოსობა! ქართველი დამნაშავე უცხო ცის ქვეშ გადაავდებ და უცხო ტომის სისხლის სამართლის დამნაშავეთ მიეც საქართველოს ცა საგინებლად და საქართველოს მიწა სათარეშოდ! ვა იმ მსაჯულის გოგრას, რომელმაც ასეთი სიბრძნე გამოჩვენა.“

ია.

რ ა ს ს წ ე რ ი ნ ბ ო ლ უ მ ე მ ი კ მ ბ ზ ე

გერმანულ გაზეთების სიტყვით გერმანიის კომუნისტური პარტიის მდგომარეობა არასოდეს ყოფილა ისე აწეწილ-დაწეწილი როგორც დღესაა. გასული თვის დამდეგ შესდგა მარჯვენა ფრთის თათბირი, რომელზედაც გადაწყდა გერმანიის მემარჯვენე კომუნისტების კონფედერაციის მოწვევა იანვრის 31-ვის. თათბირზე ორატორებმა დაჰკმეს სტალინის პოლიტიკა და გამოაცხადეს, რომ გერმანელი კომუნისტები მოსკოვის უბრალო აგენტები არიან და სრულყოფით არ შეადგენენ დამოუკიდებელ პარტიას. ბრანდლერმა მითხოვა, რომ უნდა დაარსდეს ახალი პარტია, საშუალო კომუნისტებსა და სოც.-დემოკრატებს შუა. პარლამენტის კომუნისტურ ფრაქციებში და მუნიციპალიტეტებში ცხარე ბრძოლაა «მემარჯვენეთა» და «სტალინის მომხრეთა» შორის. «მემარჯვენეები» ამბობენ, რომ ესაა ბრძოლა «ევროპიულ» და «რუსულ» კომუნისმის.

აღებას სახელმწიფოთაშორისო დავის დროს. მას შემდეგ რაც არსებობენ სამედიატორო დაწესებულებანი, რომელთაც შეუძლიათ უთანხმოებათა მოწესრიგება. სადაც ასეთი პირობები არსებობენ, იქ სოციალიზმი ებრძვის სამოქალაქო ომს და აგრეთვე ომს სახელმწიფოთა შორის, რომელსაც სთელის ბოროტმოქმედებად.

ხოლო იქ, სადაც შეიარაღებულის ძალით უნდათ წაართვან ხალხს დემოკრატია, ხალხს უფლება კი არა, მოვალეობა აქვს იბრძოლოს ყოველგვარის საშუალებით. ასეთივე უფლება და მოვალეობა არსებობს მაშინაც, როდესაც მთავრობას არ უნდა ნაციათალიკის შემწეობით მოაწესრიგოს თავისი უთანხმოება მეორე სახელმწიფოსთან, და მიმართავს იარაღს.»

ინგლისურ «დეილი ტელგრ.» იბეჭდება მეტად საინტერესო წერილები, ცნობილი მოგზაურის და სამხედრო კორესპოდენტის ბარტლეტისა, რომელმაც ამას წინად მოიარა რუსეთი. ბარტლეტის აზრით, რუსეთში დიდი უკმაყოფილებაა ბოლშევიკების რეჟიმით, მაგრამ არაფერს იფიქროს, რომ ბოლშევიკებს დღესვე მოვალეობა დასმოდა. ბოლშევიკები სრულყოფით ვანცალკეებულნი არიან, ხალხი მათ არ ღებულობს. კომუნისტური რეჟიმი მეტად ძვირი ექსპერიმენტი გამოდგა, რომელმაც რუსეთი ქაოსში გადაავდო. დღეს რუსეთისათვის ასე დგას საკითხი: ან იგი უნდა გადაიქცეს გადატაკებულ გლეხების ქვეყანადან და ბოლშევიკებმა ხელი უნდა აიღონ თავიანთ პრინციპებზე და სახელმწიფო დაუბრუნონ ნორმალურ პირობებს... აწინდელი კრიზისის ერთი მთავარი მიზეზთაგან ისაა, რომ ბოლშევიკებს არავითარი შემოქმედებითი მუშაობა ირ შეუძლიათ, საბჭოთა რუსეთში დღეს არ მოიპოვება არც ერთი სახელმწიფო მოღვაწე... ხელმძღვანელ კომუნისტების უკანასკნელი დროის მოქმედება გლეხების შესახებ ამხსნრევეს თვით რევოლიუციის საფუძველს: სოცხეზების და

ახლო მომავალში გაიმართება გერმანიის ს.-დემ. პარტიის კონგრესი. რომელზედაც სხვათა შორის გარჩეული იქნება საკითხი «თავის დაცვა და მუშათა კლასი»: სამისო კომისიამ გამოაქვეყნა საკითხის მთავარი დებულებანი, რომელთა გარშემო უკვე დაიწყო კამათი. საგანს შეეხო კ. კაუტსკიც ეხლახან დაბეჭდილ წიგნაკში. ავტორი არკვევს ომის შესაძლებლობას და ამბობს, რომ საფრთხეს წარმოადგენენ შეიარაღება-გაჯიბრების, ნაციონალიზმი, ფაშისტური და ბოლშევიკური დიქტატურა, თუმცა უკანასკნელს დიდს მნიშვნელობას არ აძლევს: მართალია მოსკოველებს ძალიან სწყურიათ ომი, მაგრამ მეტად უქოლურნი არიან და ვერასოდეს გაბედავენ შეტევითს ომს. მერე კაუტსკი ეხება საერთოდ სამოქალაქო და საგარეო ომს და ასეთს შეხედულებას გამოსთქვამს: «იქ სადაც დამკვიდრებულია დემოკრატია, სოციალიზმი უარყოფს შეიარაღებულ ბრძოლას კლასთა შორის. იგი ამგვარადვე უარყოფს იარაღის ხელში



ქართული სკოლა ხაზბინში \*)

I.

25 ნოემბერს მოხდა ქართველთა საზოგადოების სახლში ქართული ენის უფასო კურსების გახსნა, რომელსაც დიდძალი ხალხი დაესწრო. გამგეობის თავმჯდომარე ბ. ხანდრავამ, გახსნა რა კრება, მიმართა დამსწრეთ სიტყვით, რომელშიაც აღნიშნა დიდი მნიშვნელობა ქართული ენის კურსებისა ხაზბინის ქართველთათვის.

შემდეგმა ორატორებმა მიმართეს კრებას მოწოდებით ასწავლონ თავიანთ ბავშვებს დედა-ენა და ჩაუნერგონ მათ გულში მამულის სიყარული. მერე წაკითხულ იქნა მოსაღმებთი დეპეშები და წერილები ჩინეთის რკინის-გზის ლიანდაგიდან.

კურსების გახსნის აქტმა და აგრეთვე წარმოთქმულ სიტყვებმა იქონია კრებაზე დიდი გავლენა და გამოიწვია ძლიერი აღფრთოვანება დამსწრეთა შორის, რომელთაც გამოიღეს შემოწირულებები.

ჯერ-ჯერობით კურსებზე ჩაეწერა 27 ბავშვი, მათ რიცხვში რამოდენიმე ადგილობრივი ქართველი სტუდენტიც.

კრება დამთავრდა ჩაით, რომლითაც გამგეობა გაუმასპინძლა დამსწრეთ; ბავშვებს დაურგიდათ საჩუქრები.

კ. თ. კეღია.

II.

25 ნოემბერი 1928 წ. ისტორიული დღეა შორეულ აღმოსავლეთის ქართველების ცხოვრებაში.

ამ დღეს საფუძველი ჩაეყარა ქართულ სკოლას, მოხდა ქართული საკვირაო სკოლის საზეიმო გახსნა.

კვირას 25 ნოემბერს, ეროვნულ დროშებითა და ჩვენი საზოგადო მოღვაწეთა სურათებით მორთულ ქართულ საზოგადოების შენობების ერთ-ერთ დარბაზში შეიკრიბნენ განსაკუთრებულ ბარათებით მოწვეული საზოგადოების წევრები თავ-თავიანთ ბავშვებით. საზეიმო კრება გახსნა საზოგადოების თავმჯდომარე ბ. ხანდრავამ, რომელმაც მოკლე სიტყვით გააცნო დამსწრეთ შეკრების მიზეზი.—ვრცელი სიტყვა წარმოსთქვა ამავე სკოლის მომავალ მასწავლებელმა ბ. კირილე კედიამ. მან რუსულ ენაზე განუმარტა დამსწრე დედებს (დიდმა ნაწილმა ქართული არ იცის) და მამებს ქართული ენის შესწავლის აუცილებლობა. დაახასიათა ქართული ენის სიდიადე, მისი შესწავლის მნიშვნელობა ხაზბინში მომწყვდეულ ქართველ ბავშვებისათვის და მოუწოდა, რომ ის, რასაც ბავშვები სკოლაში თეორიულად გაივლიან, პრაქტიკულად გატარებულ იქმნას ოჯახში. კრების სასარულ წაკითხული იქმნა სხვადასხვა პირებიდან მიღებული წერილები და დეპეშები.

მიუხედავით იმისა, რომ გამგეობას არავითარი განძრავა არ ქონდა რაიმე კითხვა აღეძრა შემოწირულების შესახებ, ეს მაინც მოხდა. დამსწრე საზო-

\*) ამ საგანზე მივიღეთ ორი კორესპონდენცია— ვებუდავთ ორთავეს.

კოლხელების მოწყობით გლეხებისათვის კონკურენციის გაწევა ნიშნავს იმას, რომ გლეხს ეკარგება ყოველი სარგებლობა, რომელსაც მიწა იძლევა; მასასადამე მიწას აღარ აქვს ფასი და მიმზიდველობა, ხოლო მიწა კი იყო ერთად ერთი ძვირფასი რამ, რაც რევოლიუციამ მოუტანა გლეხებს. ბარტლეთი ფიქრობს, რომ ბოლშევიკების ბრძოლა გლეხებთან დამთავრდება უკანასკნელების გამარჯვებით.

საფრანგეთის მთავრობის ყოფილი თავმჯდომარე პერიო, რომელმაც ამ რამდენიმე წლის წინათ იცნო ბოლშევიკური რუსეთი, დღეს სწერს გაზ. «ერნუველში»: «ჩვენ სამართლიანად მოგვეყარით რუსეთის რევოლიუციას. მაგრამ საბჭოთა რეჟიმი თანდათან გადაიქცა რელიგიად. სქოლასტიკად, რომელიც შეიძლება გამოსადეგი იყოს ნახევრად-აზიურ მასებისათვის, ხოლო არა ჩვენთვის. ბოლშევისში დღეს ცოცხლობს მარტოოდენ პოლიციური ტერორის შემწეობით. არსებობის ათი წლის შემდეგ—ეს სრული გაკოტრების ნიშანია.»

უკრაინელითა შორის

პარიზის უკრაინული ბოლშევიკური განვით «უკრაინსკი ვისტი» პარტესტს აცხადებს იმის გამო, რომ საფრანგეთის ადმინისტრაცია უკრაინელ მოქალაქეებს კარტ დ-იდანტიტეში (პირადობის მოწმობა) აღნიშნავს რუსებად და არა უკრაინელებად. განვით მოითხოვს ამის აუცილებელივ გასწორებას.

— უკრაინელ გარდმოხვეწილთა წარმომადგენელმა ალ. შულგინმა ნაციათა ლიგის საბჭოს თავმჯდომარეს ქიდალდი წარუდგინა, სადაც მოითხოვს, რომ უკრაინელი გარდმოხვეწილები ირიცხებოდნენ ცალკე ეროვნულ ჯგუფად და განსხვავებულ იქნენ რუსებისაგან. შულგინის ქალალი გადაეცა შესასწავლად კომისიას, ვენეცუელას დელეგატის წინადადებით, რომელსაც მხარი დაუჭირა პოლანეთის დელეგატმა ხალესკიმ.

— კიევში კომუნისტურ პარტიის კონგრესზე სარაიონო კომიტეტის მდივანმა აღნიშნა უკრაინულ ეროვნულ მოძრაობის დიდი ზრდა. განსაკუთრებულნი ყურადღება მიაქცია იმ გარემოებას, რომ ნაციონალური სულისკვეთება მოსჩანს კომუნისტ მწერლების და პოეტების ნაწერებშიც. მდივანმა გაიხსენა ბუხარინის სიტყვები—რომ უკრაინაში კომუნისტური პარტია რუსებისა და ებრაელებისაგან შესდგება—და მოითხოვა, რაც შეიძლება მეტი უკრაინელი შემოვიყვანათ კომუნისტურ პარტიაში და მედგრად ვებრძოლოთ უკრაინულ ნაციონალიზმს.

— წელიწადზე მეტია, პრაგაში გამოდის ორკვირეული ჟურნალი «ვილნე კოზაცტო», (ვოლნი კოზაჩესტო), რომელიც ემსახურება დონის, ყუბანის და თერგის კაზაკების თვითგამორკვევას და დამოუკიდებელი სახელმწიფოს დაარსების საქმეს. ჟურნალი ქადაგებს იმ აზრს, რომ კაზაკები, როგორც შტო უკრაინელებისა, წარმოდგენენ რუსებისაგან განსხვავებულ ერს, და მხარს უჭერს კასპიისა და შავიზღვების მონაპირე ერების ბლოკს წინააღმდეგ ველიკარსებისა.

გადგებიდან ბ. კუჭუბიძემ განაცხადა, რომ მას შემო-  
აქვს სკოლის სასარგებლოდ 100 მექსიკანური დო-  
ლარი. დიდი სიხარული და მხიარულება გამოიწვია  
იმ გარემოებაში, რომ შემოწირულების შესახებ შეიქნა  
შეჯიბრება, ერთმანეთს ეცილებოდნენ, თუ ვინ უფრო  
მეტს შესწირავდა. ამ რიგად სრულიად მოულოდნე-  
ლად შეგროვილ იქნა 600 დოლარი.

მეცადინეობა იწარმოებს მხოლოდ უქმე დღეებ-  
ში, ვინაიდან დიდი უმრავლესობა სწავლობს სხვა-  
დასხვა სასწავლებლებში. უქუველია მოსწავლეთა  
რიცხვი კიდევ გაიზრდება.

გუსურვებთ ხელმძღვანელებს გამარჯვებას და  
ენერგიას და ჩვენს სკოლას წინსვლას.

შემომწირველთა სია: ნ. მასხულია 110 დოლარი,  
კუჭუბიძე 100 დ., ჩხაიძე 100 დ., ბებიანი 50 დ.,  
თოდუა 60 დ. (ყოველწლიურად), ხაინდრავა 25 დ.,  
გაგუა 20 დ., ბარამიძე 20 დ., ფიჩხაია 15 დ., ლონ-  
ტი 10 დ., ხარბელია 10 დ., შოთაძე 10 დ., დადიანი  
10 დ., კობახიძე 10 დ., თოიძე 10 დ., ხუნდაძე 10 დ.,  
ურუშაძე 9 დ., ილ. მგვიძე 5 დ., რევიან 5 დ., გეგენავა 5 დ.

იმედია არც სხვა ქართველები მოაკლებენ ყურა-  
დლებას ამ დიდ ეროვნულ საქმეს, ქართული ენის  
შესწავლის საქმეს.

დ. ბოლქვაძე.

✦ **ქმან სტან. შიხინაშვილი**

21 იანვარს 1929 წ. მივაბარეთ მიწას სტამბოლის  
ქართველობამ სტანისლავ შიხინაშვილი. მოკვდა მი-  
სი სხეული, მაგრამ დარჩა მისი პატრიოტული სახე-  
ლი. ის იყო გულით და სულით ქართველი, პატიო-  
სანი და კეთილი მამულიშვილი, მისი გონება მუდამ  
წამს საქართველოსკენ იყო მიპყრობილი. მრავალ-  
ჯერ ჩემს ყურებს უსმენია ქმან შიხინაშვილის სიტ-  
ყვები: ოღონდ ერთხელ კიდევ მელირსოს ნახვა იმ  
ჩემ ქვეყნისა, ჩემ მშვენიერ ტფილისის, დამოუკიდე-  
ბელი საქართველოსი! განსვენებულის ნატვრა მუდამ  
ეს იყო, მაგრამ ბედმა უმტყუნა, არ აუსრულდა გუ-  
ლის წადილი: ვერ შესძლო მისმა სუსტმა სხეულმა  
ძლიერი ოპერაციის გადატანა და სამუდამოდ დას-  
ტოვა ვეს ქვეყანა. X

✦ **შემაღვირულები.**

საქართველოს სოც. დემ. მუშ. პარტიის საზღვა-  
რგარეთელ ბიურომ მიიღო პოლიტიკურ გადასახ-  
ლებულთათვის:

ჩეხოსლოვაკიაში მცხოვრებ ქართველ-ემიგრან-  
ტებისაგან კიდევ (ნოემბრის, დეკემბრის და იანვრის)  
ოთხას სამოცი კრ. (460 კრ.). წინათ გამოცხადე-  
ბულ შემომწირველთა სიას მიემატა უკრაინელი ამხ.  
კალისტრატე—20 კრ.; წინანდელ სიაში შეცდომით  
აღნიშნული იყო დ. ჩხვიძე, უნდა იყოს დ. ჩხიკვაძე.

ოდნეკურიდან კიდევ ოთხას სამოციდა თუთხმეტი  
ფრ. (475 ფრ.).

კრეზოში მომუშავე ქართვე. ახალგ. სოც.-დემო-  
კრატებისაგან ოცდა თუთხმეტი ფრ. (35 ფრ.).

**ქართველები საფრანგეთში.**

იანვრის 27-ს (ძველი სტილით ნინოობა) პროფ.  
ე. თაყაიშვილმა პარიზის მრავალრიცხოვან ქართველ  
საზოგადოების წინაშე წაიკითხა მოხსენება წმ. ნი-  
ნოსა და ჩვენი ერის გაქრისტიანების შესახებ. მოხსე-  
ნება გაგრძელდა ორ საათს. მაგრამ იმდენად საინტე-  
რესო იყო, რომ დამსწრე საზოგადოება შეუწყვეტე-  
ლის ყურადღებით ისმენდა ბოლომდის. მოხსენებე-  
ლი მხურვალე ტანით იქნა დაჯილდოვებული.

**გ ა ნ ც ხ ა დ ე ბ ა.**

21 ოქტომბერს, 1928 წ. პარიზში შესდგა საქარ-  
თველოს მართლ-მადიდებელ ეკლესიის საფრანგეთში  
მყოფ წევრთა სასულიერო ინტერესების კომიტეტი.  
კომიტეტი იმყოფება მსოფლიო პატრიარქის, უმაღ-  
ლეს მართლმადიდებელ ავტორიტეტის, მფარველო-  
ბის ქვეშ. კომიტეტის წევრნი არიან: ქალბატონები  
ელენე აფხაზისა და ანასტასია წერეთლისა და ბ. ბ.  
ზურაბ ავალიშვილი, ილამაზ დადეშკელიანი, იოსებ  
დადიანი, დავით სხირტლაძე, ოსებ კემულარია.  
იაკობ ხოქოლავა, ექვთიმე თაყაიშვილი და ლევან  
ზურაბიშვილი.

კომიტეტის პირველი მიზანი არის პარიზში ქა-  
რთულ მართმადიდებელ ეკლესიის და მასთან საკვი-  
რაო სკოლის დაარსება და საზოგადოთ საფრანგეთ-  
ში მყოფ ქართველ მართლ-მადიდებელთ ზნეობრივ  
და გონებრივ ინტერესების სამსახური.


ყველა იმ ქართველმა, ვინც თანაუგრძნობს ამ დი-  
ად საქმეს და მომავალ მრევლში შესვლას აპირობს,  
კეთილ ინებოს და მიმართოს ქვემო მოყვანილ ფორ-  
მის განცხადებით კომიტეტის რომელსავე დელეგატს:

- ან ბ-ნ ილამაზ დადეშკელიანს  
4 rue Récamier, Paris. 7.
- ან ბ-ნ იოსებ კემულარიას  
4-bis, rue de Morillons, Paris. 15.
- ან ბ-ნ ლევან ზურაბიშვილს  
20, rue Berthollet, Paris. 5.

**გ ა ნ ც ხ ა დ ე ბ ი ს ნ ი მ უ შ ი.**

მე (სახელი, გვარი, წლოვანება), მცხოვრები  
(სრული მისამართი) ამით ვაცხადებ, რომ მე ვარ  
მართლ-მადიდებელი და ვეკუთვნის საქართველოს  
მართლ-მადიდებელ ეკლესიას; მე თანაუგრძნობ საფ-  
რანგეთში მყოფ ქართველ მართლ-მადიდებელთაგან  
მრევლის შექმნის და ამ მრევლისათვის პარიზში თა-  
ვის ეკლესიის აგების აზრს: ამ აზრის განხორციელე-  
ბას დავეხმარები ჩემის შეძლების და მდგომარეობის  
მიხედვით.

[ხელის მოწერა]



**ფ ო ს ტ ა.**

ბ. ბოლქვაძეს ხარბინში: ქართულ წიგ-  
ნების დამამოცემების ფული სავესებით მიღებულია.

Rédaction et Administration.

M. J. GOBETCHIA

7, rue de Ponthieu, 7. Paris.